



6

A 4

A. $\frac{4}{28}$ 

Bibliotheca
majori Coll. Rom.
Societ. Jesu


~~19-c-14~~

175-81
18-5-11

18
c
11

6.14 - c .12

L.



OBSERVATIONES

IN

POËMATATA

HOMERI

ET

VIRGILII.


E GALlico LATINE REDDITÆ.



TRAJECTI ad RHENUM,

Apud *FRANCISCUM HALMA*,
Academ. Typogr. Ordinarium, 1684.

11



LECTORI.



Icuiſſet ſuperſedere hoc qualicunque vertendi labore , ſi eruditiffimus harum obſervationum Auctor maluiſſet Latine (quod optime poteſt) quam Gallice cogitationes ſuas orbi literato exhibere. Extant ejus præter hunc libellum quinque alii , quibus ad utramque eloquentiam, tum ſolutam tum ligatam , ad dignoſcendas maximorum in utroque genere ſcriptorum

virtutes, ad cognitionem tam antiquæ quam hodiernæ Philosophiæ, nihil limatius excogitari potest, nihil utilius. Non dubito, quin causas habuerit satis justas, cur vernacule scriberet: sed & causæ sunt non minus justæ; cur ea Latine vertantur, quæ & argumenti dignitate omnibus se commendant, & Romanæ Linguae beneficio pluribus profutura haud vane creduntur. Non enim tam late patet Gallici Sermonis usus. Ignoscet celeberrimus auctor & interpretis consilio, & humanæ imbecillitati, si cubi forte in vertendo erratum fuerit: tu fruire, Lector, & Vale.



OBSERVATIONES

I N

P O Æ M A T A



H O M E R I

E T

V I R G I L I I.



Nter omnia opera
 quorum capax est
 humanus animus,
 haud dubie excel-
 lit perfectissimumque
 habetur Poëma Epi-
 cum, utpote quod unum in sese
 continet omnes omnium reliquo-
 rum perfectiones. Ita judicant quot-
 quot sunt eruditi: quamvis Ari-

I.
 Obser-
 vatio I.
 De pre-
 tio libro-
 rum Ho-
 meri &
 Virgilii.

De Poëti-
 ca c. 26.

A 3

sto-

6 *Observationes in Poëmata*

stoteles, quod ad quantitatem, Tragediæ primas adscribat; cujus cum partes minore claudantur ambitu, multo videtur aptior ad conciliandam voluptatem minus tædiosam. Constat nihilominus reliquas Poëmatis Heroici dotes, quibus supra Dramaticum eminet, tam esse grandes tamque notas, ut nemo negare audeat hoc ipsum esse excellentissimum inter omnes, qui ab ingenio perficiuntur, conatus. Homeri autem & Virgilii opera, cum omnium sæculorum consensu in eo scribendi genere perfectissima semper atque absolutissima habita sint; statuere de illis uter utrum præcedere debeat, id vero esset, meo animo, litem, quæ in his literis oriri unquam possit, maximam decidere, & pronunciare, quid illæ ipsæ habeant grande quidque perfectum. Majestatem enim sublimitatemque, quæ in maximis
hisce

hisce duobus poëtis eminet, nemo unquam æquavit.

Eruditus inter primos hujus sæculi Criticus Homerum Virgiliumque *omnis doctrinæ apices* appellat: Cajauben. Præfat. in Persf.

ut omittamus interim suffragia duorum literatissimorum & judiciosissimorum Principum, qui fuerunt unquam. Alexander enim reperta post victoriam in scrinio Darii Iliade, eam *pretiosissimum opus animi humani* dicebat. Augustus vero nihil se tanti facere ac Æneida haud Plinius l. 7. c. 9.

obscurè testabatur, tum impatientissimo ejus videndæ desiderio, dum viveret Virgilius, tum cura studioque servandæ atque exornandæ, postquam ille mortem obiisset. Ut nihil, inquam, demus auctoritati duorum tam excellentium tamque in literis versatorum Principum, certum est nulla unquam opera tanto elegantium ingeniorum applausu excepta fuisse, nulla tam Qui Homerum contemnunt, vix illis optari quid-

8 *Observationes in Poëmata*

quam pe-
jus potest,
quam ut
fatuitate
sua fru-
antur.

*Casaub.
dissert. de
Homero.*

II.
Qua ra-
tione u-
trumque
Poëma
confide-
rari de-
beat; ut
recte co-
gnosca-
tur.

unanimi consensu probata : nec
reperitus est longo illo sæculorum
decursu, qui meritissimas palmas in
dubium vocare ausus fuerit, quin
simul sese idem ludibrio prostitu-
erit, & tam stolidam vanaque arro-
gantiam palam fecerit omnibus, quam
foret pusilli infirmique iudicii.

Inter eruditos superiorum æta-
tum, quorum industria aliquid de
Homero Virgilioque statuit, &
comparationem utriusque paralle-
lam fecit, eminent Macrobius,
Julius Scaliger, & Fulvius Ursinus.
Verum cum, ut Grammatici so-
lent, exteriora tantum & superfi-
ciem (ut ita dicam) utriusque ope-
ris libaverint, neque penetraverint
ad fundum usque, parum recte ju-
dicaverunt. Idem vitium omni-
bus pæne doctis errandi causam de-
dit, & præoccupata ab Homero
mente præstrinxit quasi fulgure
omnium oculos, qui ad eruditionis
glo-

gloriam aspirarunt. Scimus enim eos, qui Doctorum nomine censerī affectant, credere non minimum ad honorem famamque momentum adferre, si se ab Homeri partibus stare profiteantur, ipsumque anteponant Maroni: atque adeo iis nescio quæ majoris scientiæ species videtur, amplecti & sequi perfectam aliquam virtutem, quæ ut probe cognoscatur, & majorem requirit acrimoniam ingenii, & profundiorē industriam. Profecto, uti opus est diffusiorē eruditione ad recte formandum de Homero judicium, quam de Virgilio: longe se abesse putant a vulgo, si huic illum præferant; eaque ratione & via haud obscure præ cæteris eminare suam judicandi facultatem, qua maxime lætatur varia illorum hominum ambituuncula, qui docti & scientes haberi volunt.

Rejiciendum est hoc præjudicium,

A 5

etiam

10 *Observationes in Poëmata*

etiam eruditissimo cuique. Sæpe enim aptiores sumus ad iudicandum, cum nos non esse aptos credimus: est quoque interdum auctoritas, auctoritatem non affectare; quia occupatus a præiudicio animus nunquam non amittit libertatem illam ingenuam & nulli addictam, qua necesse habemus, ut recte & sine affectu iudicemus. Has ego partes sequerer procul habita præoccupatione, si vellem iudicare de iis, quæ examino: protestor autem nihil me, nisi Observationes daturum & cogitationes super Poëmatibus duorum nostrorum Auctorum; potestatem porro omnem de hisce ipsis decidendi illis relicturum, qui sunt me sagaciores.

Ut ergo initium faciamus hujus quæstionis, non gravabor concedere Homerum longe vastioris ambitus campum aperire, quam Virgilium; multo esse diffusorem in
cha-

characteribus ; pingere multo elegantius cogitationes suas ; imagines quoque habere perfectiores , observationes magis morales magisque sententiosas , inventiones opulentiores , animum rerum omnium capaciore ; artes omnes in numero habere ; esse Poëtam , Oratorem , Mathematicum , Philosophum , Astronomum , opificem , quodcumque libuerit ; plus varietatis habere in disponenda Fabula , plus animositatis illius , quæ poëtam supra se rapit ; elocutionem nervosiores ; naturam feliciorem , factumque adeo Poëtam ipso corporis atque animi temperamento ; versus illius ostentare plus magnificentiae pompæque , suavius implere aures mensura sua & numero , si quis exacte calleat artificium : de his autem omnibus postquam convenerit , nihil egerimus aliud , quam quod solent Grammatici : plura

12 *Observationes in Poëmata.*

enim examinanda veniunt, & quidem magis essentialia.

*De Poët.
cap. 5.*

Itaque ut recte atque ordine disputationem suscipiamus, proficiscendum est a definitione Poëmatís Epici, videndumque quam habeat materiam, quam formam, quem finem, quasque alias partes. Epopœia, ait Aristoteles, est imitatio actionis illustris: & hoc quidem commune habet cum Tragœdia: differunt tamen in eo, quod Tragœdia imitatur per repræsentationem, Epopœia vero per narrationem. Materia igitur Epopœiæ est Actio Heroica; forma, Fabula; finis, instructio Principum & Magnatum.

Ad hæc sive principia sive regulas examinemus Homeri Virgiliique Poëmata: neque ultra illustria hæc opera consideremus per partes: nec conferamus inter se duorum maximorum Poëtarum descriptiones, comparationes, & epitheta. Extiora

rora hæc sunt ; & superficiem tangunt tantum : nobis videndum erit, quid habeant essentiale & in proposito & in executione. Id autem ut commode efficiamus, sequamur ordinem partium Poëmatis Epici, quem ponit Aristoteles capite de Poëtica septimo : eæ sunt Fabula, Mores, Sententiæ, & Elocutio, ita Homerum & Virgilium committamus, & hoc ipso quidem ordine.

Incipiamus a Fabula, Poëmatis Epici parte prima, eamque puram ac simplicem sine ullis Episodiis & in Iliade & in Æneide considerare-
mus.

III.
Comparatio Fabularum Iliados & Æneidos.

Iliadis Fabula est: unum e Ducibus exercitus Græci succensuisse Regi, castra reliquisse, neque amicis neque officio munerique suo auscultantem ; deseruisse communem Patriæ causam, ut morem gereret iræ & furori suo ; totum se dolori luctuique dedisse in ista sua solitudine.

A 7 Hostes

14 *Observationes in Poëmata*

Hostes interim præclare rem gessisse, hac occasione usos ; cæso autem amicorum primo, arma iterum cepisse vindictæ gratiæ ; atque ita effrænem animi motum fecisse, id quod Ratio minime potuisset ; superatum cæsumque tandem ab eo primarium hostium Ducem : habemus Iliados Fabulam, nunc Fabulam Æneidos videamus, reciso omni Episodiorum choragio.

Princeps quidam, ob adversam belli fortunam patriæque totius ruinam, fugere coactus, quærit ubique exterum regnum, in quo se ac suos stabilire possit : Deos Penates & Parentem fugæ comites assumit. Moti hac pietate Dii in partem veniunt discriminis, pulcerriamque orbis universi oram propriam ei faciunt : ipse autem fundator fit florentissimi, quod unquam fuit, Imperii.

Committamus nunc inter se duas
istas

istas Fabulas; & ex actionum magnitudine, ipsorum magnitudinem Hero-um dimetiamur. Achillis actio & patriæ & suis perniciofa est, ut ipse profitetur Homerus: Æneæ vero utilis & gloriofa: alterum movit immoderata animi affectio, alterum virtus. Achilles causam præbet occidendi Patrocli amicorum optimi; Æneas & Diis & patri & suis omnibus salutem afferit ac libertatem. Posterioris actio est Heroica, id est, ut definit in Moralibus Aristoteles, *supra hominem*: prioris ne rationalis quidem, habetque nescio quem ferociæ characterem, quam idem ille Aristoteles virtuti Heroicæ ex diametro opponit: ut enim illa supra, sic ista infra hominem est.

ὁπὲρ ἄν-
θρωπον.

Perfectiorem habet finem Æneæ actio, quam Achillis: illa enim cum morte Turni rem totam conficit, hæc minime. Obsidio Trojæ annum etiamnum integrum post Hec-
to-

16 *Observationes in Poëmata.*

Hectoris cædem continuatur: atque inde Quintus Calaber & Ægyptius Tryphiodorus, quorum uterque Homeri pressit vestigia, viderunt imperfectam esse Iliada, quia mors Hectoris non est operis terminus; gradus est tantum ad terminum. Quaquaversus itaque consideremus Æneida, felicius illam finiri, quam Iliada, & perfectius semper videbimus.

Si vero expendamus, quanti fuerit iudicii, inventionis, ingenii, argumentum eligere, quod Romanos Deorum sanguine oriundos faciat, præcipueque Augustum rerum tum potentem, eique tam artificiose aduleatur promisso æterno Imperio; Quam non pulcritudinem, quam non majestatem, atque excellentiam admirabimur in isto inimitabili delectu Maronis? quid autem istis simile Homerus dare potest? ut enim nemo unquam scri-

scriptor tantum honoris patriæ suæ contulit, quantum Romanis Virgilius, quibus divinam dedit originem, posteritatemque æternam lege Fatorum; ita non injuria Homerus dici posset dedecorasse suos cives, postquam Heroem sibi finxit cujus ob furorem tantum Heroum perire necesse fuit, quos ille veluti victimas dolori suo atque iræ immolari immotus patiebatur. Hæc est causa, cur Plato tam acriter reprehendat iram Achillis, tam exitiabilem Græcis ac perniciosam: quod & post Platonem observavit Torquatus Tassus.

Potest nihilominus excusari Homerus, quod hunc animi morbum argumentum fecerit sui Poëmatis, eo quod iracundia veterum Heroum, ante prædicatam orbi mansuetudinem clementiamque Christianam, non fuerit imbecillitas neque vitium, ut videtur innuere Torquatus Tassus

in



18 *Observationes in Poëmata*

in Dialogo de Virtute. Cum vero idem ille Plato iram non esse virtutem docet, nisi quando arma capit ad defendendam tuendamque rationem; conficitur iram Achillis nequaquam fuisse virtutem, quæ tam longe excesserit terminos rationis, quod & Tassus asserit secundo Opusculorum volumine. Est itaque materia Poëmatis Maroniani & felicior: & Latio ipsique auctori gloriosior; electio autem & sapientior electione Homerica & judiciosior.

IV.
Compara-
ratio
duorum
Heroum
Achillis
& Aeneæ.

Achillis actio cum sit multo admirabilior quam Æneæ, utpote quæ ab illo solo dependeat, sine auxilio aut societate cujusquam; illiusque adeo vel præsentia vel absentia bonæ malæque apud Græcos fortunæ sit causa; nemo est, qui non huic priores statim adscribit. Id vero non eodem modo se habet, si quis ordine omnia consideret, examinet.
que

que aliquanto propius duos istos Heroas. Et primo quidem observandum venit, veri esse simile Homerum in mente non habuisse, effingere nobis in Heroe suo ideam magni ducis aut principis perfecti: sed monstrare tantum voluisse, quam sit exitiabilis inter socios discordia, atque ita actionem ponere, quæ esset & terribilis simul & admirabilis, ut sensit Torquatus Tassus.

Longe aliam viam tenuit Xenophon, qui ut Cyrum suum ab omni parte perfectum redderet, non mansit intra limites veritatis: ideam duntaxat dedit Principis perfecti, juxta præceptum Aristotelis in Poëtica, qui poëtam imitari vult non similia vel vitiosa, sed perfectissima. Plato quoque libro de Legibus quinto docet, nihil esse imitandum, nisi quod sit optimum. Deinde, ut imago in imitatione justa debet esse

20 *Observationes in Poëmata*

esse similis archetypo suo : ita hoc archetypum oportet , ut sit non hic aut ille homo vel Princeps ; sed idea Principis vel hominis , quoad ejus fieri potest, perfectissimi , atque ad hunc modum descripsit Plato perfectam justi hominis ideam , Xenophon Principis , Oratoris Cicerò ; unicuique attribuentes id, quod esset optimum in idea , quam formabant.

Patet hinc non esse secutum has regulas Homerum in formando Heroe suo , utpote cui non exigua de vitia , & a quo nihil humani sit alienum : cum deberet cogitationi nostræ fisci tanquam cumulus omnium virtutum. Poema enim Heroicum (quod recte præcipit Paulus Benius) oportet, ut exprimat ideam perfectissimi Ducis : aut formet Heroa , in quo sit omnis virtus militaris & civilis.

Atque hoc quidem præ Homero præ-

*In Serm-
nibus
Acade-
micis.*

præcipuum habuit Virgilius. Cum enim ille in condendo Heroe suo aliam ideam non haberet, quam virtutes Herculis aut Thesei, aut cuiusvis alius priorum temporum, quos sane non suspexit orbis, nisi propter corporis robur & audaciam: non est, quod miremur ea tempestate Heroem dedisse nobis, cujus mores adeo non sint boni. Neque in Historia rerum gestarum, neque in libris ulla extabat idea virtutis moralis. Et ut homines tum temporis graviores non habebant hostes quam monstra bestiasque feroces; opus erat viribus duntaxat & robore corporis ad acquirendam Heroici nominis gloriam. Nesciebant illi affectus animi immoderatos his hostibus multo periculosiores esse & terribiliores; neque cognita satis erat Moderatio nec Justitia.

Virgilius itaque, præterquam quod ex duobus Heroibus Homeri, forti



22 *Observationes in Poëmata*

forti Achille & prudente Ulyffe,
 unum suum format Æneam, addi-
 dit quoque animositatem Ajacis,
 Nestoris sapientiam, infatigabilem
 patientiam Diomedis, aliasque vir-
 tutes, quibus Homerus characteres
 suos distinguit in utroque poëmate.
 His autem cum jungeret quicquid
 excellens fuerat in omnibus magnis
 viris, in Themistocle, Epaminonda,
 Alexandro, Annibale, Jugurtha,
 & mille aliis exterorum; in Hora-
 tio, Camillo, Scipione, Sertorio,
 Pompejo, Cæsare, & majore suo-
 rum numero; quid mirum, si He-
 roem concepit animo infinitis par-
 tibus perfectiorem, quam fecerat
 Homerus? Eadem ratione cele-
 brem istam Helenæ imaginem,
 sæculi sui miraculum ac stuporem,
 felicius atque exactius perfecit Zeu-
 xis, quam Venerem suam Apelles.
 Zeuxis enim formandæ ideæ suæ col-
 legerat, quidquid puellarum esset
 pulcrum

pulcrum ea ætate atque perfectum, ut exprimeret; cum Apelles sola sua niteretur imaginatione, quam ita angustam experiebatur, ut coactus fuerit manum tollere de imperfecto opere, cum crederet non posse se tam bene finire atque inceperat.

Inæqualitas ista argumenti, de qua sermo est nobis, multo apparebit evidentius, si conferamus Achillem, qualem Horatius posuit, cum Maroniano Ænea. Animosus est Achilles ac fortis: sed & idem

— *Iracundus, inexorabilis,* In arte
Poëtica.
acer,

*Jura negat sibi nata, nihil non
arrogat armis.*

Præter has virtutes parum sane Heroicas, crudeliter se gerit contra corpus occisi Hectoris, in quo alacri lætoque animo suam exercet vindictam; inauditoque avaritiæ exem-

24 *Observationes in Poëmata*

exemplo vendit afflictissimo patri filii sui cadaver. ut nihil jam dicam de hominis levitate, cui ignosci non potest, deferentis grande illud ac magnanimo Græciæ totius consensu susceptum bellum, idque ob ereptam ancillam, cujus desiderio in lacrimas solvitur & lamenta, non sine apertissima pusillanimitatis confessione. Heros hic denique Homeri tam celebris, tam decantatus omnibus sæculis, quasi quædam epitome est omnis imperfectionis & vitii.

Virgilius e contrario omnes undique virtutes in unum cogit, quibus ornet Æneam. Religionem illi dat erga Deos, pietatem erga patriam, amorem atque amicitiam erga suos, æquitatem & justitiâ erga omnes: audacem facit in subeundis periculis, laborum patientem, animosum fortemque in armis, in rebus gerendis prudentem. Bonus est

est ubique , pacificus , liberalis , disertus , pulcher , popularis , decora majestate conspicuus ; & , ne quid desit , quod ad gloriæ cumulum in viro magno possit requiri , felix est. Opponi non incommode possunt Horatiano de Achille elogio duo illi versus quibus Ilioneus Didonem alloquitur in primo Æneidos libro :

*Rex erat Æneas nobis , quo justior alter ,
Nec pietate fuit , nec bello major
& armis.*

Hæ sunt tres illæ virtutes capitales e quibus constat verus Æneæ character , Religio , Justitia , & Fortitudo : laudabatur ab iisdem Augustus , cujus imaginem in Heroe , quem Augusto dicaverat , artificiose exprimit Maro , ut recte observavit Segræsius. Quod quidem

B

blan.

26 *Observationes in Poëmata*

In præfa-
tione
Æneidos
a se ver-
sa.

blandiendi genus longe est subtilis-
simum. usu autem venit Virgilio id
quod tam ingeniose Trajano impe-
ratori dixit postea Plinius ; *ingen-
ti formantique Principem , voto
concipere succurrit similem huic
quem videmus.* Ovidius quoque
inter primas Augusti dotes Pieta-
tem censet,

Fastor.
lib. 2.

*Sub quo delubris sentitur nulla
senectus ;
Nec satis est homines , obligat
ille Deos.*

Virgilius itaque ex virtutibus Au-
gusti , aliisque longo ordine, quas
apud diversos observaverat Heroas ,
formavit suum : est enim vera vir-
tus Heroica nihil aliud, quam colle-
ctio in unum omnium virtutum ,
ut in Ethicis docet Aristoteles. Et
profecto si voluerint Pythagoræi
eum , qui mereretur aliis ut Rex
præ-

præesse, non tantum carere vitiis,
sed omni ex parte esse perfectum,
adeoque omnes habere virtutes:
quanto majore ratione convenit
Heroem, ad cujus exemplum com-
ponendi sint Reges, virtute dotari
consummatissima.

Conveniet nihilominus inter se
his observationibus, etiam si priores
non damus Æneæ. Character enim
ille Magnanimitatis, & strenuitatis,
quem Achilli assignat Homerus,
quique inter omnes alios maxime
est Heroicus, multo ibi splendidius
eminet atque illustrius, quam in
Maroniano Ænea, multoque signa-
tius Æaciden distinguit a fociis suis,
quamvis & ii omnes sint magna-
nimi & strenui. Nihil enim omni-
no fieri vides sine illo; ille solus &
prosperæ fortunæ auctor est, & ad-
versæ in exercitu Græco.

Non diffiteor fortitudinem Achil-
lis plus habere splendoris clariusque

oculos ferire quam Æneæ ; hæc enim sola virtus est Heroica , quæ dotatus ab Homero , & a reliquis ducibus distinguitur : quam ob causam , cum sit sola ; non potest non eminere : in Ænea vero , ubi quam plurimis aliis comitata est , laud ita evidenter apparet , decus enim suum miscet ac quasi confundit cum cæteris viri virtutibus , in Heroe Homérico nihil nisi Achillem reparias : in Maroniano autem offerunt se Menelaus , Agamemnon , Ulysses , Ajax , Nestor , Diomèdes ; imo Achilles ipse , si quis non incuriose consideret secundum Æneidos librum :

Negari quoque non potest ; si recte calculum ponamus in discernenda vera Fortitudine a Temeritate , recteque consideremus terminos , quos in Ethicis Magnanimitati statuit Aristoteles ; fortitudinis illum characterem , quo Virgil iusinsignit
Æne-

Æneam, non potuisse altius efferri :
quem ut bene noscamus, meditatione opus est, nihilque nobis elabi debet eorum, quæ ad occupandos animos valere judicavit Poëta.

Primum moneri facit Æneam ab Hectore, post mortem in somnis apparente, captam esse a Grajis Trojam, ita velle fata, ut funditus excidatur. Monet hæc umbra, cui sacrosancta Religionis fides abesse non poterat : utque plane persuadeat Æneæ fugam, non posse dicit servari urbem, quæ alioqui ipsius manu fuisset servata : illum autem abunde satisfecisse Patriæ virtute sua.

Sat Patriæ Priamoque datum.

Nihil habebat, quod quæreret ultra Æneas, cum e tam sancto teste disceret voluntatem Deorum. Excussus autem somno incendiis vicinorum, & rumore direptæ urbis,

30 *Observationes in Poëmata*

domus suæ tectum ascensu superat,
arbitraturus oculis causam tanti
mali; protinus arma arripit, qui-
bus patriam tueatur,

*Pulcrumque mori succurrit in
armis.*

*In flam-
mas & in
arma se-
ror.*

*Moria-
mur, &
in media
arma-
rumus.*

Nullo terretur periculo, quamvis
solus; armatusque in publicum pro-
ruit. Nescius quo feratur, inconsul-
tis amicis in ruinas fertur & flam-
mas, & quoquo maxime vocabat
misericordia confusissimæ urbis facies.
Occurrunt Corcebus, Dymas, &
Hypanis, cum paucis suorum, quos
in hostem ducit, & exemplo suo
incendit: Androgeonta unum e
ducibus adversæ partis cædit dextra
sua; ingentemque Græcorum stra-
gem edit exigua suorum manu;
mutat clipeos, & Danaum insignia
Phrygibus aptat, tanto quidem
cum successu, ut multos ejiciat
extra

extra urbem, qui fugam capeſſunt
ad naves. Immenſo autem op-
preſſus numero, cum jam cecidi-
ſſent Dymas, & Hypanis, &
amicorum reliqui, regiam petit,
quæ acerrime oppugnabatur, de-
fenſurus Priamum Priamique fa-
miliam. Quo cum adveniſſet ſe-
rius, omnia late jam tenentibus
& vaſtantibus Grajis, derelictus
a cunctis, poſtquam longævum
Regem Reginantique cum liberis
ante aras vidiffet maſtari, domum
repetit expoſiturus vitam pro pa-
tre. a matre autem Venere dextra
prehenſus detinetur, quæ diſcuſſa
mortali caligine, natum docet
contra Deos arma geri, Deorum
inclementiam evertere. Trojanas
opes, urbemque a culmine ſter-
nere; Jovem quoque & cum Ju-
none Palladem a partibus ſtare
Græcorum. Itaque Æneas, qui
videbat inimica Trojæ numina,

*Diffugi-
unt alii
ad naves,
& litora
curſu Fi-
da pe-
tunt.*

*Instaura-
ti animi,
Regis
ſuccurre-
re teſtis,
&c.
Jamque
adeo ſu-
per unus
eram.*

*Adſpice
(namque
omnem
que nunc
obducta
tuenti
mortales
hebetat
viſus,
&c.*

32 *Observationes in Poëmata*

debebat hic retinere armorum impetum, nisi mallet impius haberi, & temerario ausu resistere tot Diis conjuratis. Nihilominus cum venisset domum, sanguinem suum fusurus pro conservando patre, eumque videret nolle excisa patria vitam producere, arma rursus capit, ut cadat saltem honesta morte. quo incepto ut demoveatur, opus est prodigiis & monitis cælestibus, quæ ipse interpretatur Anchises iisque solis auscultat Æneas. Diis cedit, non hominibus. Nescio sane utrum magnanimitas unquam major esse possit. Initium hoc est fortitudinis Æneæ: quicquid in sequentibus libris strenue facit, impressum gerit characterem istius virtutis, quam admiraremur vel hoc nostro ævo, ubi sine ullo discrimine pulcerrimi tituli honorem brutalitati damus ac furori & temeritati.

Non erit arduum ex his Observa-
tioni-

*Hic ferro
accingor
rursus,
subitoque
fragore
Intonuit
lævum.
Cessi, &
sublato
montem
genitore
petivi.*

tionibus statuere, utrum Achilli an vero Æneæ palma adjudicari debeat, quisve eorum melior sit & perfectior; quæ pars est maxime essentialis poëmatis Epici. Transeo ad secundam, quæ consistit in Ordine Fabulæ, sive Dispositione.

Dispositio illa e tribus nascitur rebus, ex connexionione naturali actionis principalis partiumque omnium, quæ illam componunt; ex justo versimilium & admirabilium temperamento; ex apta episodiorum congruentia cum actione principali. Atque hæc tria, quæ rerum constitutionem conficiunt, (σύνθεσιν τῶν ὑπογμάτων vocat Aristoteles) adeo sunt essentialia poëmati Epico, ut sine illis perfectum esse non possit.

VI.
De ordine sive dispositione Fabulæ utriusque Poëmatis.

Actio, quæ prima est, debet esse secundum Aristotelem integra & perfecta: id est, ut ipse explicat, quæ habet initium, medium, &

B 5 finem.

34 *Observationes in Poëmata*

*In arte
Poëtica.*

finem. Vult autem Horatius, ut tres istæ partes bene inter se cohæreant,

*Primo ne medium, medio ne
discrepet imum.*

*Epist. 2.
lib.*

Videamus, quid super hoc præcepto observari posset in utroque Poëmate. Si actio principalis in Iliade Bellum est Trojanum, ut judicavit Horatius, magnus hac in arte arbiter, qui Homerum vocat *Trojani belli scriptorem*, & alii plures: mutila est & imperfecta. bellum enim Trojanum neque finem in Iliade, neque initium habet: non aliter ac statua, cui cum capite pedes desunt. Talis est apud Flaccum faber, *Infelix operis summa, qui ponere totum Nesciat*. Si vero est ira Achillis, quod quidem vero similis, quodque ipse Homerus in propositione fatetur; ira ista

*In arte
Poët.*

ista re vera initium habet; sed neque finem, neque medium: superatur enim atque ejicitur ab alia ira contra Hectorem propter cædem Patrocli. Habemus itaque duas iras, priorem ob amissum amicum, alteram ob ereptam amicam. Maximum autem vitium est, quod reliqua pars poematis nullam habeat connexionem cum ista ira: ipse Homerus decem & octo librorum spatio nihil de ea cogitat amplius, non aliter quam si propositionem suam & consilium esset oblitus, quod veluti Cynosura quædam vel Helice semper ante oculos habendum est, aut necessario errandum. Longo isto tractu nihil loquitur nisi obsidiones, prælia, invasiones inopinatas, concilia Deorum, &c. quæ omnia referuntur ad obsidionem Trojanam. Hæc est causa, cur arbitratus sit Horatius argumentum Iliados esse bellum Trojanum, quod & nomen

36 *Observationes in Poëmata*

ipsum indicat. Unde unde itaque consideremus hoc poëma, imperfectum reperiemus ab hac parte. Neque perfectior actio est *Odyssææ* quam *Iliados*. inchoatur *Odyssæa* per peregrinationes *Telemachi*, - finitur autem cum erroribus *Ulyssis*. Omnia fiunt *Telemachi* gratia in quatuor primis libris: narrant illi *Menelaus Nestor*, alique Principes *Græci*, variam obsidionis *Trojanæ* fortunam; nihil prorsus cogitatur de *Ulyssæ*. unde judicavit *Paulus Benius* *Fabulam Odyssææ* esse omnino duplicem. Ut jam non statim in hanc sententiam abeamus; verissimum est, difficulter inveniri posse justam connexionem actionis principalis, eamque proportionem, quam requirit *Horatius*, eo quod posuimus præcepto, ad partes apte & naturaliter conjungendas. Quinimo ipsum iter *Telemachi* nullam habet proportionem ad iter *Ulyssis*, quod

*In Sermonibus
Academicis
super Homero &
Virgilio.*

quod est actio principalis : nihil ad rem facit, neque vel ullam occasionem præbet reducendo Ulyssi, quod fit per dispositionem Jovis & auxilium Phæacum. Inde Benius quatuor primos Odyssææ libros neque episodica esse dicit, neque partes actionis, nullamque habere connexionem cum reliquo opere. profecto, quid sint, nescimus.

Æneis illo mihi vitio carere videtur. Solvit e Phrygia Æneas, iter facit, & in Italia regnum condit. recte hæc omnia cohærent, & ad stabiliendum novum imperium referuntur, quod verum est Poë-
matis argumentum. ad finem præ-
terea suum respicit semper Virgilius, neque extra oleas unquam spatatur;

*Semper ad eventum festinat, &
in medias res,*

*Non secus ac notas, auditorem
rapit.*

Quinimo felicior est quam Homerus in disponendo ordine rerum & eventuum singularium, qui spectare debeant ad universalem poëmatidis sui dispositionem.

Hic autem ordo atque hæc apta materiarum dispositio constituunt admirabilem illam symmetriam & proportionem, in qua sola consistit perfectio & pulcritudo magnorum operum, quæ neque perfecta sunt, neque pulcra, nisi quatenus partes commode inter se cohærent & conveniunt. Unde advertit Benius, Poëma non debere judicari perfectum propter hujus aut istius membri pulcritudinem, sed omnium membrorum simul.

Justa ista partium proportio & convenientia, quam inter se habere debent, multo illustrius sine controversia in Æneide eminet, quam in Iliade. Omnia hic suo ordine sunt posita suoque loco; neque unquam

quam mortalium ullus hanc rerum & eventuum collocationem melius & exactius servavit Virgilio, plane ex præscripto Horatii, quod supra omnia commendat poetæ,

*Ut jam nunc dicat, jam nunc debentia dici
Pleraque differat:*

Statuit vero Horatius omnem pulcritudinem operis omnemque perfectionem in eo ordine consistere, quia inde omnis est gratia.

Ne nimius hic sim in observandis notandisque singulis, comparabo tantum inter se ludos, quos facit Achilles in morte Patrocli, vigesimo tertio Iliados libro, cum iis quos Æneas instituit in apotheosi patris Anchisæ quinto libro Æneidos.

Ludi ex illarum actionum sunt numero, quæ fieri possunt in vita Herois, & locum habere in materia Poëma-

40 *Observationes in Poëmata*

Poëmatis Heroici; habent enim occasionem ostentandæ magnificentiae, quæ est una ex attributis Heroicis. Virgilius suos quinto facit libro; primo quidem, ut lectoris sui imaginationem oblectet distrahatque a funesto illo mortis Didonis, quam in quarto repræsentaverat, spectaculo, in quo erat crudele quiddam; deinde ut ipse quiescat nonnihil, ubi quiescere facit Heroem suum. Tales porro deliciae, ut placeant, in loco suo esse debent;

*Horat. ad
Pison.*

*Ne spissæ risum tollant impune
coronæ.*

Male ludos dedisset secundo tertiove libro, quievisset enim nimis cito: quod contra Homerus nimis tarde facit tertio & vigesimo. Serum hoc est; nimis sumus lassī; nihil nos remorari debet, postquam perventum

tum est tam prope ad calcem. Neque enim sapienter faceret aliquis, qui redux ab Indis, dum post absumptos in itinere duos annos Romam contendit, mensem integrum Venetiis desideret, ut luderet aleam. Et profecto poterat magis esse serius Homerus in fine operis sui: nam non videtur incredibile defessum jam aliquantulum fuisse; neque, cum abesset a meta tam prope, debebat tam longe recedere. Multo plurima sunt in illa ludorum pompa plaue incredibilia. Actores ipsi longa sua verbositate exhauriunt patientiam lectoris.

Altera pars dispositionis, justum nempe temperamentum inter Admirabile & Verisimile, essentialis quoque est poëmati Epico, in quo inesse debet admirabile, ut Magnates, quorum gratia factum est, moveat & incendat ad res magnas: requiritur autem ut & pariter sit verisimile.

42 *Observationes in Poëmata*

rifimile , ne æmulationem illorum desperatione confequendi extinguat. Ipsa certe veritas , cui foli fervire debet Historicus , quæ interdum nimis eft valida , quam ut quenkquam incitet ad imitationem fui , non femper tam idonea eft materia poëmati Epico ac verifimilitudo ; quæ majorem habet convenientiam cum iis rebus , quas homines perficere folent. Verbi gratia , actio Samfonis , tot Philiftæos una afini maxilla occidentis , Heroica eft ; tamen non poteft effe argumentum poëmatis Heroici. Nam etfi vera eft , non eft verifimilis ; atque ideo nimis mirabilis , quam ut ad imitandum proponi queat. Hic igitur exceffus declinari debet per juftum verifimilitudinis temperamentum , fine qua omnia fiunt fabulofa & incredibilia , neque movent quenkquam : nemo enim movetur nifi ab illis rebus , quas credit fieri poffe.

Vi-

Videamus utrum Homerus hoc præceptum felicius fuerit secutus, quam istud prius. Tam parcus est in verisimili, in admirabili tam prodigus, nimio quodam desiderio excitandæ ubique admirationis, ut nihil reliquum faciat, vel Rationi, vel Affectui, vel ipse denique Naturæ: omnia per machinam fiunt. Si Priamus amisit filium Hectorem, necesse est mittatur a Jove nuncia Iris, quæ moneat senem, uti curam gerat occisi corporis, idque redimat ab Achille. Pater ille tam amans hujusgnati, tam superstitiosus in observandis funerum cærimoniis, nonne per se mentem advertere potest, ne avibus & feris laniandum relinquat depositum tam carum? machina requiritur, ut sentiat se esse patrem.

Si Telemachus in Odyssæa quærît Ulyssæm per omnem Græciam, pedem movere non potest sine auxilio

lio Minervæ. Ab illa ducitur ubique, ab illa ad omnia impellitur; ipse per se nihil facit, nihil cogitat. Grandem infantem dicas, qui sub nutricis cura gressum ponere discit. Cum honoris cupido, cum officii caritas & ipsa natura movere deberent juvenis animum timentem patri, annos pæne octodecim absenti, quid opus erat ad externum auxilium recurrere, & ad machinam? Hæc ipsa quoque machina nihil habet quod sit verisimile; quia Minerva Telemachum quæsitum ducit per Græciam universam, eo tantum loco excepto ubi degebat Ulysses, quem illa non debebat ignorare, cum esset Dea, cui nihil ignotum.

Tamen sic solet Homerus, qui ubique alta captans, ut semper sit admirabilis, omnia modis facit inusitatis & plus quam naturalibus. Crederes Deos apud illum histrioniam exercere, & permutato sta-

u quamvis personam induere.
 Mercurius aurigæ operam locat
 Priamo, tum ut eum sistat Achilli
 edemturum filii sui cadaver, tum
 ut tutum præstet a Græcorum ex-
 cursionibus antequam intraret ca-
 strorum vallum: Jupiter ejusdem
 Mercurii ministerio utitur in sopien-
 tis Græcis: ut autem Achilles tan-
 gatur dolore paterno, necesse est
 Thetidem matrem præmitti, quæ
 Jovis jussu molliat ferocem gnati
 animum. Ut verbo dicam, omnia
 per ambages geruntur, Deorumque
 ministeria, quos neque ordo suus
 neque tranquillitas ab immani hac
 servitute defendit.

Omnia alia apud Virgilium, qui
 religiosissime observat, id quod post
 illum Horatius præcepit in Epistola
 ad Pisones:

*Ne Deus intersit, nisi dignus vin-
 dice nodus
 Inciderit.*

Ea

46 *Observationes in Poëmata*

Ea ratione poëta judiciosissimus Mercurii interventu Æneam ex terribili inquietudine animique æstu, quo jactabatur, eximit libro quarto. Data Didoni fides. Carthagine tenet suspensum, fata filii promissumque a Diis sine fine imperium urgent, ut classem solvat: huc atque illuc impellitur; instat & premit hinc Dido-
nis amor, illinc religio Deorum: opus est jussu cælesti divinaque potentia, ut emergat ex tam vasto curarum gurgite. Ipsa necessitas monentem hic inducit Deum, qui rumpat omnes nodos: quod fit per Mercurium.

Ejusdem artificii est, quod libro primo narratur. Non pastor aliquis aut venator erranti Æneæ viam monstrat, id quod erat naturale; apparet ipsa filio Venus, quem docet in qua sit regione, quam sortem habuerint socii, quos periisse credebat, & qua deinde via sit insistentium.

dum. Illo enim rerum articulo necesse erat a Deo aliquo mœstum Æneæ animum in spem meliorem erigi, quippe qui vix modo evaserat ex insana tempestate, qui ante oculos suos aliquot suæ classis naves fluctibus viderat hauriri, qui ventorum undarumque turbine distractus eiciebatur in litus desertum, procul ab omni humano auxilio, & pæne adactus ad desperationem. Non debebat poëta hic relinquere periclitantem, & extrema omnia metuentem: erat quoque verisimile Deos non odisse illum cujus pietati tantum debebant, cujus fugæ & exilii comites erant: exigebat præterea decorum, meliorem animum a matre inspirari gnato, etiam postquam ipsius fata e Jove didicisset.

Accedit, quod, quamquam machinæ apud Virgilium plus habent rationis & verisimilitudinis, minus tamen reperientur frequentes minusque

48 *Observationes in Poëmata*

nusque coactæ, si quis utrumque expendat cum cura. Ipsa illa parca raritas ministeriorum Divinorum longe melius respondet & ordini Divino & conditioni, multisque partibus judiciosior est in Virgilio quam in Homero, quem idcirco Dion Chrysostomus vocat χαλεπὸν ἔατα ψευδόμενον.

Est præterea genus quoddam Admirabilis, de quo Homerus in omni sua anxia admirabilium affectatione ne somniavit quidem, nempe feminas inducere bellicosas ac pugnaces; quod cum sit remotum a sexu quam longissime, insignem inde ornatum operi suo conciliavit Virgilius, cum undecimo libro talem depingit Camillam. Quod, post Dionem Chrysostomum in oratione de Rebus Trojanis, observavit in opusculis Torquatus Tassus.

Dispositionis tertia pars est Epi-
fo.

fodiorum mixtura cum actione principali. Episodium est digressio ab argumento : quocirca neque grande debet esse, ut bene servetur proportio ; neque coactum, aut longe petatum, ne peregrinum aut alienum videatur ; denique non nimis frequens, ne confundat ac turbet argumentum. Homerus inchoat *Odyssæam*, perfectissimum duorum illius Poëmatum, ab Episodio quatuor librorum ; abit ab argumento, prius pæne quam accesserit ; & , ut domum struat juxta regulas artis, incipit a parte quadam, quæ est extra totum opus, secundum observationem, quam supra posui.

Talene quicquam reperitur in Episodiis Virgilii ? mire omnia conveniunt cum argumento, uti illud de Pallante & Euandro, de Niso & Euryalo, de Camilla, & quæ plura occurrunt. Illud ipsum de Didone, omnium longissimum & spatiosissimum

finum , nunquam ab Herois persona distractum est ; ipse loquitur , ipse fortunas suas narrat : nusquam fere ab argumento discedit , quin ad se ipsum redeat frequenter. Quod frustra quæras & in Iliade & in Odyssea : ex oculis amittimus , idque plurium annorum spatio , utrumque Heroem , Achillem & Ulysssem : & multum adhuc itineris restat , priusquam iterum appareant.

Examinandum iis relinquo , qui non perfunctorie expendent utriusque Episodia , utrum Homeri tam parum sint coacta & affectata , tamque naturalia , atque illa , quæ apud Virgilium. Quid commune habet vulnus Marti a Diomede inflictum cum ira Achillis ? Multus est in hoc casu Homerus libro Iliados quinto : Mars , plorans ut inultus puer , conqueritur Jovi , a quo mordacibus jocis excipitur. arces-
fitur

fitur Pæon, medicus Deorum, ut faucio medicinam faciat: accedit & Hebe Dea; Poëta, cui placet tam amœnus locus, urget propositum quantum potest, ac bellos ludos facit, & ad misericordiam lectorem moveret, nisi obstaret Genius majestatis Homericæ.

Ne omnia particulatim consideremus, quod infiniti foret operis; Virgilius nunquam abit ab argumento, Homerus fere semper, & varia multiplicique Episodiorum copia, torrentem imaginationis suæ intemperiem ubique sequitur nullo facto discrimine. non dissimilis est peregrinantibus, qui ubique hærent admirabundi, quamvis multum adhuc restet itineris. nullus ictus vel infertur vel excipitur in medio pugnæ ardore, unde non occasionem capter historias narrandi & genealogias.

Mores, secundum Aristotelem, VII.

De Mo-
ribus.

tertiam partem occupant in dispositione Fabulæ ; neque hi tantum poëtam spectant , quantum actores & personas, e quibus consistit Actio. Quam non hic differentiam inveniemus inter duos maximos poëtas ? Reges & Principes apud Homerum convicia de plaustro jaciunt. Agamemnon in Iliade impudenter atque impie insultat magno Apollinis sacerdoti Chrysi , raptam filiam timida reverentia , nec sine muneribus reposcenti. Nihil se facere dicit insignia sacerdotii , quibus certe honorem & cultum debebat. Chryses ipse neque melius neque honestius loquitur , ubi Apollinem obtestatur, ut severe vindicet hanc injuriam, & perdat omnes Græcos. Dure sane atque crudeliter ; cum Sacerdotis sit pro salute populi proque imperii conservatione Deos precari.

Achilles libro nono decimo multo cum questu exponit metum , quo an-

angitur , ne muscæ vulnera Patrocli occisi infideant , unde posset putrescere totum corpus , & deformius fieri. Metus ille de muscis estne satis dignus tanto Heröc? Poëta ipse satis prudens , qui faciat Thetidem Deam abigere muscas?

Ulysses , qui tanquam omnis sapientiæ exemplar proponitur , inebriari se patitur apud Phæacas ; unde reprehendunt Homerum Aristoteles & Philostratus. Sed unde sapientissimo viro tanta dementia , ut obliviscatur tam cito uxorem suam fœminam pudicissimam , filiumque , quem amabat tantopere , quo se irretiendum præbeat insidiis prostitutissimæ Calypsus & infamis venificæ Circes ; neque , Rex cum sit , detrectet pugnis certare cum homine mendico & miserabili Iro? Priamus nequaquam ut patrem se gerit ; crudelis est in reliquos liberos , ut exprimat dolorem , quem ce-

54 *Observationes in Poëmata*

pit ex morte Hæctoris. Malle se
dicit omnes videre occisos , modo
reviviscat Hæctor. poterat mitiore
oratione ægritudinem suam expres-
sisse.

*Tuscul.
Quæst.
L. I.*

Nihil dicam de inhumana feritate
Achillis contra corpus jam occisi
Hæctoris. Audiamus nobilem Cice-
ronis locum : *Trahit Hæctorem ,*
inquit , ad currum religatum.
Achilles , lacerari eum & sentire,
credo , putat , & ulciscitur , ut
sibi videtur. Non est hæc satis
Heroica voluptas. Congressus ille
Ulyssis & filiæ Alcinoi in sexto
Odyssææ plane terminos honestatis
excedit ; & Nausicaa , sive com-
miseratione ducta sive curiositate ,
oblita videtur pudoris sui.

Denique Decorum in utroque
Homeri poëmate parum servatum
est : patres facit duros & crudeles ;
Heroes inconstantes & passionibus
animi nimis obnoxios ; Deos æru-
mna-

mnabiles , inquietos , vitilitigatores , quique se oderint mutuos : utpote qui nihil adhuc profecissent in Philosophia Stoica , quam deinceps Zeno ejusque sectatores docuerunt homines , ut eos rationis capaciores redderent & perfectiores , quam sunt in Iliade & Odyſſea Dii. Omnia in Virgilio contraria Drances & Turnus ſuccenſent alter alteri , atque in ſe mutuos invehuntur , ſed ut decet viros primarios : amor Æneæ & Didonis , fatendum eſt , non habet , quo pergat ulterius ; ſed neque pudor læditur , neque honeſta vendi ratio : Dii ipſi nunquam indecore ſe gerunt : quicquid ad officia vitæ , quicquid ad probos mores ſpectat , religioſiſſime ſervatur. Quippe Virgilius admirabile illud Terentii artifi-
cium ante oculos habuerat , cui in moribus , ſupra Cæcilium & Plautum , aliis dotibus inſignes ,

palnam aperte dedit Varro.

Ignoscendum hac in parte Homero : ætas illa , qua scribebat , moribus vivebat incompofitis. Non-
dum orbis principia honeftatis & decori habebat ; ifta de moribus Philo-
fophia perfectior erat & notior tempeftate Virgilii , in quo nun-
quam falſa eſt , ut in Homero. Vir-
gilius enim ne diſſimulare quidem poteſt, quid ſentiat de injuſtitia bello-
rum civilium , quamvis Auguſto cauſæ fuiſſent acquirendo & ſtabi-
liendo imperio : nullo modo probat hanc peſtem , & , quanquam ſub Monarchia , quaſi animo adhuc in Republica verſaretur , palam con-
demnat , ſed longe delicatiſſime , blandiens etiam Auguſto , omnis calamitatis auctori ;

*Tuque prior , tu parce , genus
qui ducis Olympo ,
Projice tela manu , ſanguis meus.*
Adeo

adeo tenax est boni & æqui, adeoque contrarius adulationi, quæ tamen sub majestate imperii jam cœperat radices agere.

Transimus ad Sententias, quartam Poëmatis partem, quibus adeo cum moribus bene convenit, ut ex iisdem & hæ & isti nascantur principiis. Constat enim Sententias revera nihil esse aliud, nisi expressiones & imagines morum. Unde mirum non est, Homerum hic a Virgilio superari, qui tam probe cognitam habuerit & perspectam Morum disciplinam. Quod sæculo debet, quo scribebat, politiori longe atque elegantiori, quam fuit ætas illa, quæ Homerum produxit, studiosiorem bene dicendi, quam bene cogitandi: sunt enim ejus sententiæ nunquam tam pulcræ, quam oratio est. Non ero longus in comparatione hujus illiusque; recensebo tantum quasdam sententias Homericorum He-

VIII.
De Sententiis.

58 *Observationes in Poëmata*

roum, unde de cæteris quoque
judicium fieri possit. Agamemnon;
in primo Iliados libro causam nul-
lam adfert, quapropter Chryseida
nolit reddere, nisi quod ipsam amet,
& multo pluris faciat, quam Clyte-
mnestram. Egregium vero mari-
tum, qui puellam ignotam & pere-
grinam præferat Reginæ, uxori suæ,
fœminæ non contemnendæ.

Nestor, libro nono, Agamemno-
ni, consultanti super rebus per
Achillis absentiam male gestis,
respondet habere se consilium admi-
rabile, & quo neque melius neque
sapientius inventum sit unquam ab
ullo homine post orbem conditum:
inepte venditat prudentiam suam.
bonus senex; quem profecto oport-
tebat modestiorem esse id ætatis
atque sapientiæ. Consilium ipsum
non est adeo magni momenti, nihil
enim aliud suadet, nisi placandum
esse exulceratum Achillis animum
blan-

blanditiis verborum & largis muneribus, inducendumque ut ad arma redire velit. Non est hoc tam inusitata sapientiæ: quivis, cui vel mediocriter pectus saperet, sufficere potuisset dando istiusmodi remedio.

Antilochus Nestoris filius, libro vigesimo tertio, prolixum colloquium habet cum equis suis, quos exhortatur, ut omnibus nervis cursui incumbant, quo prævertant equos Menelai & Diomedis, in ludis, quos dabat Achilles in funere Patrocli. Incitat eorum virtutem *verbis, quæ timido quoque possent addere mentem*, sed argumentis admodum puerilibus: Nestorem enim patrem dicit, nisi fortiter faciant, nullam de iis curam posthoc habiturum, imo vero statim occidendos daturum: denique oratorem valde patheticum agit, ut moveat bruta.

Verum est Homerum excusari a

C 6

Plu-

Horat.
Epist.

In libro
de Homero.

60 *Observationes in Poëmata*

Plutarcho quod hoc loco Antilochum, alteroque item Hectora induxerit cum equis suis loquentes, idque respectu Metempsychoseos, quam didicerat ex Pythagora: ego vero quemvis judicem capio, utrum ex præscripto istius Philosophiæ bestiae evaserint minus bestiae, & magis capaces rationis.

Jupiter, libro quinto Iliados Marti a Diomede vulnerato objectat invissimum esse eum sibi omnium Deorum, dignum videri hac calamitate, utpote qui matris Junonis consiliis nimium obsequeretur, cujus ingenium esset intolerabile atque intractabile. Mirificum vero Deorum Regem, qui ita de conjuge sua sentiat, quique tam belle consoletur filium graviter faucium! Infiniti esset laboris omnia, quæ hujus sunt notæ, animadvertere. Præterquam quod Virgilius ignorat istiusmodi nævos, semper serius est, semper magnificus,

cus, semper sublimis, & servantissimus characteris Heroici: nunquam ad ineptias descendit, neque splendorem ordinis sui negligit: quod non raro contra factum est ab Homero, qui, Majestatis suæ immemor, nimia quadam familiaritate & popularitate in ludionem degenerat; veluti cum in octavo *Odyssææ* libro mimos facit de Diis, ubi Martem & Venerem in reti a Vulcano captos exhibet tanquam in comœdia. Certamen Ulyssis cum Iro multum quoque habet ex ludicro & ridiculo, ut & character ille Therfitis, & vulnus Veneris in *Iliade*. Sed, ut demus Homero, quod meretur, statuamus omnia ista non tam ejus esse vitia, quam sæculi, quo vivebat, quod non erat capax majoris elegantix.

*Lib. 18.
Odyss.*

Sententiæ expressiones sunt Morum; Elocutio, sive Dictio, Sententiarum. Quinta hæc pars est Dispositionis, ex mente Aristotelis,
in

IX.
De Dictione sive Elocutione.

62 *Observationes in Poëmata*

in qua triumphat perfectissimusque habetur Homerus. Non potest negari, quin hic emineat supra cunctos, quotquot fuerunt, poëtas, neque verbis concipi, quanto reliqui omnes sint inferiores. Admirabilis illa eloquentiæ virtus Sophoclem, Tragicorum primum, Homeri admiratorem perpetuum reddidit, & imitatore exactissimum; unde a Criticis appellatus est φιλόμητος. Ipse porro Homerus a Platone Princeps Poëtarum Heroicorum. Extollitur & laudatur plurimum a Pindaro propter sublimitatem styli. A Longino proponitur, ut exemplar perfectissimum Majestatis in scribendo.

Verisimile est, hac arte imposuisse Homerum toti Antiquitati, elegantiaque & pulcritudine dictionis suæ incantasse quasi atque effascinasse admirationem omnium, qui aliquid scaperent in his literis, atque adeo in se traxisse encomia omnium erudi-

*Lib. 10.
de Re-
publ.*

*Od. 7,
Nemear.*

*Περὶ 3.
ψ85.*

eruditorum. Ut enim poësis pul-
 cra non est & florida, nisi quæ ex-
 pressionem suam & elocutionem se com-
 mendat, quam fere velut primam
 pulcritudinis partem consideramus:
 Homerus; qui supra omnes poëtas
 opulentia, elegantia, & sublimi-
 tate dicendi excelluit; inde, apud
 bona ingenia, omnium sæculorum
 admirationem promeruisse videri
 potest. Hinc *Pindarus*, quem Petron.
Arb.
 Horatius sibi imitandum proposuit,
*novemque Lyrici Homericis versi-
 bus canere timuerunt.* Hinc illud
 Paterculi de Homero; *Fulgore* Lib. 1.
cap. 5.
*carminum solus Poëta appellari
 meruit: illudque alterum, mollis-
 sima dulcedine carminum memora-
 bilis.*

Ab hac admirabili prærogativa
 tam pleno ore laudavit Homeri
 Poëmata Lycurgus in oratione con-
 tra Leocratem; hinc Æschylus,
 apud Plutarchum & Athenæum,
 Tra-

64 *Observationes in Poëmata*

Tragœdias suas vocat micas epularum Homericarum; hinc Plato constanter asserit eum esse perfectissimum & divinissimum omnium Poëtarum: hinc Aristides, tertio Orationum tomo, neminem unquam melius locutum fuisse: hinc Aristoteles, in Poëtica, longe illum omnes alios post se reliquisse dicendi sublimitate: Socrates in quadam epistola Xenophontis; Xenophon ipse in Convivio; Democritus apud Dionem Chrysostomum; Aristophanes in Ranis; Hierocles in Fragmentis apud Stobæum; Hermogenes in Ideis; Philostratus in Imaginibus Heroicis; Theocritus in Idyllio decimo sexto; Moschus in tertio; Plutarchus in libro de Homero; Dionysius Halicarnassæus in Constructione Nominum; Jamblichus in Vita Pythagoræ; Origines libro contra Celsum septimo; Thucydides in Oratione funebri

funebri super Pericle ; Maximus Tyrius in Dissertatione sexta decima ; Lucianus in Elogio Demosthenis ; Themistius in Oratione sexta decima ; Theodoretus in libro secundo de Curandis Græcorum Affectionibus , plurimique alii uno ore idem affirmant.

Omnes autem isti magni viri, quos enumerabam modo , hæc elogia in Homerum non congesserunt, nisi propter splendorem & pulcritudinem eloquentiæ , quæ profecto in eo satis laudari nequit. Ob hanc dotem , (fatendum est) quam opulentissimam possidet , dignus est , qui præferatur Virgilio : quamvis Virgilius fuerit sapientissimus , honestissimus , & judiciosissimus omnium , quotquot scripserunt unquam.

Videamus nihilominus, quid observari possit circa expressiones Homeri , quarum gloria & pompa tantum cum apparatu meruit applausum omnis antiquitatis.

Tran-

X.
Observationes
in elocutionem
Homeri
& Virgilii.

Transitiones, quarum forma muneris, quod sustinent, ratione valde debet variari, ne tædium obrepat lectori, omnes inter se sunt similes per omne pæne opus. In triginta fere versuum millibus vix ultra viginti aut triginta diversas earum species numerabis: idem illud vinculum, (ut sic dicam) idem ille connectendæ orationis modus, cum se offerat ubique, non potest non displicere tam frequenti repetitione. Hinc occasionem arripuit Martialis ridendi notum illud τὸν δ' ἀπαμειβόμενον, & querendi de rigidis Musarum Romanarum legibus, quæ severiores essent multo quam Grajæ.

L. 1.
Ep. 46.
L. 9.
Ep. 12.

Comparationes frigent, neque sunt faciles, & parum naturales in quibusdam locis, nunquam valde excellunt; quamvis in tanto numero difficile foret non invenire quasdam, quæ sint satis bonæ. Nihil dicam de illa, quam rusticitas sua atque indecentia

centia notissimam fecit; ubi asinus devorans in agro frumentum, quem multis jam fractis fustibus pueri ejicere non valent, confertur cum Ajace, hostilium armorum ictibus pæne obruto in acie. Expendendum relinquo quam commode hæc talia locum habeant in Iliade, opere tam gravi tamque serio; & quantum momentum addant venustati Poë-
matis, quocunque tandem colore considerentur. Sunt enim inter Grammaticorum filios, qui sibi crucem hic figunt, ut eruant nescio quam urbanitatem. Non diffiteor reperiri apud hunc Poëtam comparationes admirabiles, sed raras, in quibus expoliendis insumit, quicquid habet gratiarum & venustatis in dicendo, quasque in operis sui ornamentum felicissimo successu transtulit Virgilius, novoque artificio atque elegantia suas fecit.

Descriptiones, quibus nihil magis
in

68 *Observationes in Poëmata*

in eloquentia puerile , nihil minus nervosum , nimis sunt frequentes, nimisque longæ , habent quoque nescio quid affectationis. Talis est horti Alcinoi descriptio septimo Odyssææ , & illa portus Ithacensis tertio decimo libro. Descriptio portus, itemque altera antri Nympharum (in quam exstat Porphyrii commentarius) decem & octo constant versibus. Montis Aetnæ descriptionem absolvit Maro tribus tantum , spreta bellissima loquendi occasione. Negari non debet descriptionem portus Libyæ decem esse versuum , eam vero Famæ aliquanto longiorem. Priori autem ignosci facile potest , cujus usus erat ad reficiendum lectoris animum post horrorem tam fœdæ tempestatis : & hæc ipsa omnium est longissima , quæ in describendis locis in tota Aeneide occurrunt: illa altera non censetur inter gemmas pulcerri mi operis, est enim alias parvus ubiq;

&

*Lib. 1.**Lib. 4.*

& temperans, neque permittit sibi
ineptias pueriles, quas Horatius fer- *Epist. ad*
re non poterat in argumento serio, *Pison.*

— *Cum lucus & ara Dianæ,
Aut properantis aquæ per amæ-
nos ambitus agros,
Aut flumen Rhenum, aut pluvius
describitur arcus.*

Putidum id videtur magno doctori,
quando

*Inceptis gravibus plerunque & Ibid.
magna professis
Purpureus, late qui splendeat,
unus & alter
Assuitur pannus.*

Nunquam istæ affectatæ venteres
placere possunt: quocunque enim
loco ponas, male illis convenit cum
reliquo corpore, quia nimis emi-
nent.

Constat quoque multo esse ex-
cel.

cellentiorum Virgilio in epithetis & adverbis Homerum. Hic floret, & regnat; neque quisquam opulentior in iis fuit, neque felicior. Nugas agunt, qui objectant illud *πῖδας ὠκύς*, tanquam sine fine repetitum. nullo suo merito id impingitur Homero: supra viginti diversas epithetorum numeravi species, quas ad unum Achillem refert, in Iliade. Pauper est Virgilius, si cum Homero componatur, horum ornamentorum; quæ nascuntur ex opulentissimo linguæ Græcæ fundo, quo caret Latium. Posses tamen dicere de isto ornatu exteriori, quod nuper quidam de Magnatum uno, homine valde specioso; si adimas vestis & comæ luxuriam, haud dissimilem fore cæteris mortalibus: etenim si demas Homero epithetorum & adverbiorum felicem pompam, similis erit reliquo poëtarum gregi: in illis exultat, illis præcipuam debet pulcritudinem.

Ob-

Observari autem debet epitheta ista, quæ tantum illi decoris conciliant, esse valde simplicia, valdeque vulgaria: appellat enim sine ulla circumscriptione nivem *albam*, lac *dulce*, ignem *ardentem*: neque istis næniis indulget, in quibus toti sunt recentes nostri scriptores, quorum palato nullum epithetum sapit, quod non simul contradictionem involvat ejus verbi, cum quo jungitur, scilicet ut plus adferat splendoris orationi, & eluceat per hanc oppositionem, cujus deliciis capitur corruptus sæculi gustus, cui nihil elegantius videtur & festivius, quam verba jungere & in unum censum redigere ex diametro inter se pugnantia. Primus Ovidius in Metamorphoscon & Heroidum libris, & cum eo Vellejus Paterculus, pravo isto sapore imbuerunt sæculum suum, tam amans simplicitatis. Imitatus est Seneca, & tota Declamatorum cohors,

Petron.

cohors, quorum fragmenta in hujus
 Controversiis leguntur, sed sine
 illo Judicii acumine, quod elucet in
 Ovidio & Paterculo, qui certe tem-
 perare sibi sciebant in levibus istis (ut
 Satyricus loquitur) atque inanibus
 sonis. Toti sunt in hoc genere Lu-
 canus & Tacitus, artemque adeo
 sibi excuderunt effingendi vibrantes
 sententias, quæ profecto nihil est
 aliud ut plurimum, nisi lusus qui-
 dam verborum inter se contrario-
 rum, quem nunc in oculis ferunt
 homines male literati. Temporis
 decursu, invadente omnium inge-
 nia hac intemperie, ad eam normam
 efficta sunt Epigrammata Martialis,
 Panegyrici Plinii, Pacati, & Ma-
 mertini. Non tamen inde sequitur
 hoc scribendi genus carere sua venu-
 state: sed ista venustas haud male
 comparatur scæminis fucatis, quibus
 ornamentis opus est extrinsecus pe-
 titis & arte factis, quia ingenuis &
 naturalibus destituuntur. Ne-

Neque etiam verum est, splendida ista epitheta, si recte collocentur, non conciliare admirabilem quandam gratiam orationi, quale est illud, quo utitur Dido Epistola ad Æneam:

Exerces preciosa odia,

in Heroisin Ovidii; (quas ego florem & medullam appellare soleo omnium operum, quæ a sola ingenii felicitate ac fecunditate proficiuntur, & ad quorum gloriam nemo nostrorum poetarum adspirare unquam poterit) quale est illud Paterculi de Lucio Domitio, quem vocat *eminentissimæ simplicitatis virum*; aliaque plurima apud utrumque occurrentia. Verum cum illustria sint hæc verba, & multum habeant splendorem, nemo facile ita sibi temperabit, ut illi fecerunt. Solenne enim eorum vitium est, quibus de melioribus dictis aliquid

Lib. 2.

D

in

in mundo ; ut nimium dicant , dum
 successui indulgent , & consuetudi-
 nem ex eo formant ; unde fit , ut
 displiceant tandem , quia pravo
 studio semper volunt placere. Qua-
 propter consultius videtur ; ut
 evitemus hunc errorem , & intra
 terminos maneamus sanæ mentis ,
 præcipue in oratione æquali & unica ,
 ubi sublimitas & majestas requirun-
 tur , evitare epitheta ista tam longe
 petita , & quendam mysteriorum
 horrorem præ se ferentia. Commu-
 nissima quæque , & rerum , de
 quibus agitur , naturam commodissi-
 me exprimentia , semper optima
 habentur : talia vero sunt Homeri.
 Fateor , majore hic delectu & pru-
 dentia opus esse , quam ingenio :
 sed nunquam bene loquimur , nisi
 quando meditamur sapienter. Nun-
 quam hoc nos faller : *adeo* (ut ille
 Criticus) *nihil commodius est , quam*
semper cum sapientia loqui. quod
 quidem

Petron.
Arb.

quidem tam ad ipsam orationem extenditur, quam ad Mores.

Ut certi aliquid statuatur de hoc incomparabili Poëtarum pari, necesse est justum observare discrimen inter hujus & illius characterem, plurimum enim inter se differunt. Nam quam studiosus est loquendi Homerus, tam parcus est verborum & taciturnus Virgilius: ista nobis differentia certum signabit discrimen inter genium unius cujusque, & essentialem characterem notabit. Multi sese acres criticos venditant, & de Virgilio judicare audent quam subtilissime, qui tamen nunquam scire potuerunt, in quo consistat excellens illa virtus ingenii & judicii hujus Poëtæ, qua omnes alios superavit. Ego quidem, qui nihil in eo æque admiror, ac parsimoniam illam dicendi stupendam, qua nihil dicit, nisi quod dici debet, semper credidi ab hac parte esse considerandum.

XI.
Distin-
ctio inter
chara-
cterem
Homeri
& Vir-
gilii.

Premiendæ sunt propius ejus vestigia, si quis scire velit taciturnitatem istam in quibusdam locis multa dicere, atque prudentissimam esse; imo si quis sensum recte penetrare potest, non minus interdum admirabitur ea, quæ reticuit, atque illa, quæ dixit.

Neminem ego sane præter Virgilium novi, cujus prudentia tam grandis fuerit, ut sibi moderari potuerit & temperare in ardore & emotione imaginationis incensæ a genio omnium, quotquot unquam fuere, maxime poëtico maximeque afflato. Lucanum si conferas, insanum dicas; Statium vero furiosum. Ipse Ovidius nunquam eo pervenit, nisi jam senex, cum Fastos scriberet: nusquam moderatus est, nisi istic: in omnibus aliis juveniliter lascivit: larga ista exemplorum copia & comparisonum in Tristibus, aliisque Elegiis nondum habet hanc per-

perfectionem : Heroidum quoque Epistolæ, quas appellare soleo Florem Elegantiæ Romanæ, destituuntur ista maturitate judicii, qua regnat Virgilius; quem hac in re non inepte compares Ducibus belli, qui in aciem inque conflictum omnem, quam domi exercent, mentis tranquillitatem apportant; quique in medio igne & pulvere & fumo, inter armorum strepitum, tubarumque & tympanorum clangorem, dirumque tumultus bellici horrorem, ad nullam rem attendunt, nisi quæ a Prudentia & Moderatione dictatur, nihilque adeo consulunt, præter Rationem: Quod certe magnarum duntaxat virorum est, & consummatæ sapientiæ, qualis fuit illa Virgilii, qui in ipso furoris Poëtici ardore nihil dicit, quod dici non debeat, & plus semper cogitandum relinquit, quam dixit.

Non dissimili modo laudat Plinius.

78. *Observationes in Poëmata*

celebrem illum pictorem Timan-
tem, cujus elogium facit capite de-
cimo libri trigesimi quinti: *Timanti*,
inquit, *plurimum adfuit ingenii*,
in omnibus operibus ejus intelligi-
tur plus semper, quam pingitur.
Quod ut melius intelligatur, ipse se
explicat paullo inferius: *rarum in*
successu artis, ut ostendat etiam,
quæ occultat. Talis erat admirabilis
illa eloquentia, de qua Cicero lo-
quitur ad amicum suum: *Sumpsi*
aliquid hoc loco de tua eloquentia,
nam tacui. in cauta ista prudentia,
ut mihi quidem videtur, atque ad-
mirabili orationis parsimonia osten-
dit sese verus character Virgilii, levi-
ter transeuntis materias suas, ut via-
tor festinans, neque diu in iis im-
morantis: generoso delectu recidit,
quicquid luxurians est & super-
fluum, ut nihil prorsus retineat, quod
non sit necessarium. in eo consistit
magnorum operum excellentia, quæ
tum

Epist. ad
Attic.
lib. 13.

tum demum perfecta sunt, cum nihil habent, quod demi possit.

Ab eadem illa perfectione nascebatur exquisitus iste bonæ mentis gustus, quo penitus imbuta erat sub Augusto Roma, quique habebatur, tanquam nota quædam & character omnium elegantium ingeniorum, quæ tum temporis scripserunt, quæque nos observamus tanquam regulam Lesbiam puritatis in oratione, & sobrietatis in verbis, unicumque exemplar laudatæ scriptionis.

Hujus rei insigne nobis exemplum reliquit ipse Augustus, cum *Æneida*, quam auctor ut imperfectam flammis destinaverat, Vario & Tuccæ recensendam daret. Permittebat, ut, si quid demi posset absque operis detrimento, dement; nihil autem omnino addi voluit, ne ipsos quidem truncos & dimidiatos versus suppleri. Eo palato erat felix ista ætas, ut multa recide-

80 *Observationes in Poëmata*

ret in oratione, sobria ubique esset,
& mimine loquax. Lucretius, scri-
ptor tam purus & tersus, nondum
pervenerat ad hanc perfectionem.
Catullus, qui primus inter Romanos
elegantiam sermonis nitoremque ex-
coluit, ignorabat insigne illud mō-
nitum, quod Horatius postea tam se-
rio commendavit Pisonibus:

*Epist. ad
Pison.*

— *Prudens versus reprehendit inertes;*

— *Ambitiosa recidet Ornamenta;*

Luxuriantia comescet.

Idem hoc ubique inculcat, ut & in
Satyra in Lucilium,

— *Currat sententia: ne se
Impediat verbis lassas oneran-
tibus aures.*

Imo, inquit, ille ipse Lucilius

*Si foret hoc nostrum fato delatus
in ævum,*

De-

*Detereret sibi multa, recideret
omne, quod ultra*

Perfectum traheretur.

Hic erat genius istius temporis, quem hauserant homines a Bona Mente, quam amabant & colebant, quamque Virgilius ubique ducem secutus est, & tanquam characterem suum essentialem habuit.

Homeri autem character versatur in longa verborum dicendi & narrandi: ille unus ex omni antiquitate loquacissimus est; ipsi quoque Græci, homines minime taciturni, reprehenderunt in Homero hanc intemperantiam verborum, ut insigne vitium in oratione; quam appellarunt ἀπαραπολογία. Frequentissimus est non tantum in iisdem verbis, sed in iisdem quoque rebus, & repetitione perpetua. Fluxu isto linguæ impetuque imaginationis abreptus, longius ubique exspatiatur, quam debet; plenius omnia exprimit, quam necesse est; adeoque le-

D^r 5. ctoris;

82 *Observationes in Poëmata*

ctoris sui ingenio nihil relinquit, qui certe, ut solidam voluptatem capiat, tam debet esse occupatus cogitando, quam legendo.

Hanc ob causam nunquam exhaurit omnem suam materiam Virgilius, ut relinquat semper aliquid, quo ipsi penetrent lectores. Recentiores nostri auctores, qui fere cuncti cacozeliam amant & puerilitatem, omnesque ii, quibus minor est iudicii copia, quam imaginationis, non capiunt hanc artem: cum enim nullam habeant experientiam, sequuntur naturæ suæ ductum, cumque nimia orationis & verborum volubilitate res ipsas ultra terminum extendant, ideas ut plurimum nobis exhibent pro objectis veris, faciuntque imagines nimio plus elaboratas ex omni sua materia. Reprehendit hoc olim Apelles in pictoribus suæ ætatis, ut in Oratore notavit Cicero: *Pictores eos errare dicebat, qui*

non sentirent, quid esset satis.

Advertendum est nihilominus, hoc vitium spectare tantum ad expressiones & voces ipsas. Summæ enim perfectionis habetur, formare imagines rerum quam fieri potest absolutissimas, & optimas semper in animo habere ideas.

Fateor nihil ad Homeri commendationem gloriosius dici posse, quam id quod dictum est ab Aristotele, sapientissimo & judiciosissimo omnium Criticorum. Homerum tanquam exemplar Poëmatis Epici proponit in Poëtica sua, præceptaque omnia format ex Iliade & Odyssea. Cum vero Aristoteles suo ævo nihil vidisset, quod componi posset cum Odyssea & Iliade, præter duo mala Poëmata, Heracleïda & The-seïda, quorum meminit ibidem; *Cap. 9.* mirum videri non debet, si priores elegerit, quibus artis suæ regulas conderet, cum duo altera ista com-

XII.
De unitate argumenti & temporis duorum Poëmatum.

84 *Observationes in Poëmata*

plecterentur potius vitam Herculis & Thesei, quam argumentum actionis Epicæ.

Inde tanto cum stomacho invenitur Horatius in istiusmodi poëtas, quos Cyclicos appellat, propter ordinem disponendi operis prorsus naturalem & historicum, propterque materiarum multiplicationem contra simplicitatem & unitatem actionis, quæ essentialis est Epopœiæ: quæ de re examinandi nobis veniunt Homerus & Virgilius, ut nihil omitatur, quod ad exactam comparationem spectat.

Concedo Iliada & Odyssæam, quantum ad unitatem temporis, præferri debere Æneidi: Actio enim Odyssææ, post discessum Ulyssis e regiâ Calypsus, usque ad agnitionem, non excedit quadraginta quinque dies; illa quoque Iliadis octo tantum, aut summum novem menses complectitur: Æneidis vero annum.

num continet integrum , & quod excurrit.

Sunt etiam, qui contendant unitatem actionis in duobus Homeri Poëmatibus perfectiorem esse, quam in opere Virgiliano ; quia utrobique actio non tantum una est , sed etiam unius. Achillis enim solus omnia facit ; solus quoque Ulysses, qui , ut Aristoteles notat , ipse se sine cujusquam auxilio tuetur & in solido locat , quod majoris esse majestatis videtur. Æneas nihil gerit , nisi adjutus a suis : unde colligit ille , qui Apologiam pro Dante Aligerio scripsit , (monente Paulo Benio) Dantis poëma perfectius esse Æneide , eo quod unam & unius tantum actionem contineat , ut Ilias & Odyssæa.

*Sermon.
Acad. 2.*

Responderi & regeri potest , unitatem personæ sufficienter servari per unitatem characteris & dignitatis ; Poëma Epicum debere ideam

D. 7 repræ-

repræsentare magni Ducis, non er-
rabundi alicujus monstrorum domi-
toris, qui ut plurimum nihil est aliud,
quam fabulosa Imaginationis ma-
china: neque esse quicquam, quod
plus dignitatis & nobilitatis conciliet
Herói, quam si eum Regem consti-
tuas & caput populi, ut idem notat
Ibid. Benius: res enim præclaras atque
illustres, quales sunt regiones & im-
peria armis subacta, urbium obsi-
diones & prælia, geri debere per
exercitus prudentia & consilio unius
viri ductos; quod sufficere potest ad
unitatem actionis. Præterea Veri-
similitudo semper manca est in actio-
nibus Heroum illorum vagabundo-
rum & solitariorum, qualis Hercu-
les fuit, habetque semper nescio quid
fabulosum.

Non sine causa addere quis possit,
unitatem actionis, modo recte con-
sideretur, in Æneide perfectiorem
esse, quam in Iliade; ubi post mortem

Hecto-

Hectoris, quæ debebat actionem finire, duo etiamnum restant libri; vigesimus tertius, ludos continens in funere Patrocli exhibitos, quorum nullus est usus ad actionem principalem; & vigesimus quartus, qui lamenta habet ac lacrymas Trojanorum, & redemptionem cadaveris occisi Hectoris: quæ omnia sunt extra corpus operis, eo quod actio principalis etiam sine istis absoluta erat.

Reprehendi quoque possit, finiri Poëma, cujus unicus scopus est decus & gloria Græcorum, per honores Hectori collatos, hostilium copiarum Duci; ubi in describenda funebri pompa integrum Poëta impendit librum. minus bellum id merito videtur; & de tali opere intelligi potest locus Horatii, qui a multis
Epist. ad Pis.
haud satis commode explicatur,

Am.

*Amphora cæpit
Institui, currente rota cur ur-
ceus exit?*

Homerus longe optime incipit, ut honorifice celebret Græcos; nihil est in toto opere, quod non tendat ad eorum gloriâ; definit vero in honoribus Hectoris, cujus amissi jacturam tanta cum magnificentia lugeri facit & plorari. Nonne hoc est a scopo aberrare, & instituti sui oblivisci? nonne melius finitur Æneis cum morte Turni, quæ terminat actionem? Virgilius pedem ultra non movet: noverat enim peccaturum se fuisse, nisi istic constisset.

Infinita adhuc observari possunt super reliquo corpore horum Poëmatum: imprimis vero super artificiosa illa ac delicata concipiendi & cogitandi venere, qua excellit Virgilius, multisque spatiis ante Homerum

merum est, cujus fere conceptus ignorant delicias. Quid enim ingeniose blandius vel cogitando fingi potest illa Anchisæ Apotheosi, in quinto Æneidos libro, qua tantopere demeretur Augustum populumque Romanum per enumerationem generis, cujus divinitatem tanto cum artificio asserit? ut nihil dicam de illustriissimis Romanorum familiis, quas allegorice designat in certaminibus ejusdem libri, cujus rei mysteria & applicationes exposuit Paulus Benius.

*Comment. in
Virgilium.*

Quid habet Homerus, quod componi possit cum loco isto ex libro sexto, qui mihi semper exquisitissimæ & delicatissimæ urbanitatis visus est, ubi Virgilius ingenii laudem Græcis relinquit, ut Romanis adstruat auctoritatis & potentiae gloriam?

Excus.

*Excudent alii spirantia mollius
era;*

*Credo equidem, vivos ducent de
marmore vultus:*

*Orabunt causas melius, cœli-
que meatus*

*Describent radio, & surgentia
sidera dicent:*

*Tu regere imperio populos Ro-
mæ memento,*

*(Hæ tibi erunt artes) pacique
imponere morem,*

*Parcere subjectis, & debellare
superbos.*

Quid dicam de illo e libro quarto,

Litora litoribus contraria,

qui tam stupendo successu occasio-
nem & causam suggerit bellorum a
Romanis & Carthaginensibus gesto-
rum? quid de imprecatione Didus,
immensaque illa vindictæ cupidi-
tate?

Exo-

*Exoriare aliquis nostris ex ossi-
bus ultor, &c.*

Ubi sub nube & obscuritate temporis venturi designatur magnus Annibal, omnium, quos Roma unquam habuit hostium ferocissimus, & quicum per tot annorum spatia luctata est de imperio orbis terrarum. Mors Marcelli, in sexto libro, ejusdem est commatis, imo habet aliquid limatius & exquisitius, ut patuit ex dolore, quem profitebatur Augustus, & clarius multo ex Octavia Marcelli matre, quam defecisse constat, ægreque refocillatam, postquam Virgilium coram Cæsare recitantem audivisset.

Nihil dicam de illo Didonis questu, in quarto, qui toties lacrimas elicit Beato Augustino, ut in Confessionum libris fatetur ipse. Tamen *Lib. 1.
c. 13.* nunquam ita ab Homero movetur, quem nullo alio elogio decoravit, quam

Ibid. c.
14.

quam *dulcissime* *vani*. Profecto multo solidior est Virgilius; expressiones facit multo magis vivas; nunquam ita loquax est; imo ubi amores describit & amantium affectus, quod pæne nusquam fit, quin sapiat aliquam vanitatem, nihil habet vanum, nihil affectatum. Omnia hic sana; verba ipsa res sunt; quæ causa est, cur plus excitet & moveat lectorem.

Mille alios locos pulcherrimos sciens prætereo, qualis est ille in secundo Æneidos,

*Iliaci cineres, & flamma extrema
meorum,*

Qui solus Æneam ab omni omnino ignaviæ suspitione tueri potest. Omitto miserabilem illam Elisæ mortem, quæ ab hoc versu incipit,

At

At trepida, & cæptis immanibus effera Dido;

Epitomen historiæ Romanæ in clypeo cælata in octavo; fata Imperii Romani ab Jove explicata in primo; victorias Augusti, cui dedicatum est opus, in sexto; ubi admirabile Imperatoris elogium.

Hic vir hic est, &c.

Omitto omnem illam inusitatam & stupendam artem, qua se tam ingeniose lectorum animis insinuat, iisque motus suos & affectus inspirat, & genii sui vim per omnia extendit; quæ sane totidem Artis miracula censerī debent, neque a mediocribus ingeniis capi possunt. Nam majoris est acuminis & judicii illa in magno opere videre, quæ bona sunt & excellentia, quam quæ minus perfecta & vitiosa: quia manifestius
oculos

oculos percellunt navi, quam virtutes, quæ levi negotio fallunt plebejas mentes, neque percipiuntur, nisi ab erectioribus.

Cum autem supra omnia emineat in Virgilio pulcerrima illa descriptio amoris Æneæ & Didus, facere non possum, quin attentius eam & circumspectius examinem. asseverare ausim, nunquam ipsam Eloquentiam usurpasse, quicquid habet artificii & ornatus, vel majore ingenio vel successu feliciore. Omnes gradus violentissimi affectus, omnes motus nascentis hujus Cupidinis, & grandis illa sequioris sexus fragilitas, ea explicantur ratione, quæ stuporem incuriat sagacissimo cuique: quanto autem quisque sagacior, tanto aptior est qui perspiciat excellentiam hujus loci, omnesque ejus partes admiretur. Nihil non expolitum, delicatum, & tenerum in tota historia; neque nasci puto quicquam posse

posse magis absolutum omnibus numeris.

Habet forte Torquatus Tassus quædam argutiora & comtiora, quæque oculos ritu fulguris citius feriant, qualis est historia Tancredi & Clorindæ: eam vero si ab omni parte recte consideres; videbis non omnes proportionem cum actione principali tam religiose esse servatas, ut in Elisa Maroniana.

Acriter nihilominus objicitur Virgilio, quod corruerit ac deteriorem fecerit characterem Didus naturalem, cui tam immensum adscribat amorem: constat enim ex historiarum monumentis sceminam fuisse pudicissimam. Id vero ipsum artificiosissime & ingeniosissime excogitatum est a Virgilio; qui, ut deprimeret gentem invisissimam nomini Romano atque odiosissimam, non dubitavit deprimere virtutem Reginæ conditricis, crediditque honeste
eam

eam immolari posse gloriæ patriæ suæ, non æquo animo laturæ, si debitas ejus laudes ex historica veritate celebrasset. Uti autem hoc artificium solis placere Romanis debebat, quos Poëta quamvis ut rerum dominos agnosceret, & ad quorum judicium reliquæ gentes sua submittere vel certe formare necesse haberent; tamen cautissime & circumspectissime agit in obscuranda hac veritate. Machinam adhibet admodum perite, quo melius res succedat; Cupidinem immiscet & Venerem. Eos quoque nullo non dolo uti facit, ut eludat id, quod adstruebat annalium fides. Unde Juno queritur, & increpat Venerem, quo facilius agnoscas incubuisse duos Deos inducendæ & fallendæ Didoni;

*Egregiam vero laudem, & spolia
ampla refertis*

1123

Tuque

*Tuque puerque tuus , magnum &
memorabile nomen ,
Una dolo Divum si fœmina victa
duorum est.*

Character Sinonis in secundo Æneidos, & Mezentii in octavo & decimo, non minus sunt perfecti. Verum est, habere Homerum multo plures, & multo magis varios ac diversos: illi autem, quos tangere libuit Virgilio, multe sunt convenientiores & signatiores.

Constat nihilominus, Homeris inventiones esse fecundiores, & opulentiores, & erectioris naturæ; versus pulcriores, genus dicendi splendidius, sonum quoque verborum rotundiorem, & magis canorum, quique sit aptior poësi, & plus impleat aures, quod in Demosthene desiderabat Cicero: qui, *usque eo, inquit, difficiles ac morosi* In Bruto.
sumus, ut nobis non satisfaciat
E ipse

ipse Demosthenes; non semper implet aures meas, ita sunt avidæ & capaces, & semper aliquid immensum infinitumque desiderant. In iis omnibus superat Virgilium Homerus, auresque nostras delicatius afficit mensuris suis ac numeris, totaque adeo versuum compositione: hæc enim sermo Græcus præ Latina lingua præcipua habet, quæ gravior est & magis seria. Constat quoque Homerum habere majorem rerum copiam, longiusque deducere lectorem suum: sed abripitur semper ab ingenii sui æstu, neque ita sibi temperare potuit ac Virgilius. Quæ causa est cur, non sine insignis erroris nota, quos attexuerit Iliadi libros post solutionem actionis, unum de morte Hectoris, alterum de ludis in funere Patrocli; unumque item librum Odysseæ, qui agnitionem habet Ulyssis & Penelopes: ut enim
 omne

omne Poëma, tam Epicum quam Dramaticum, finiri debet in solutione Actionis; ita post illam solutionem, quæ rem omnem terminat, nihil addi potest quod non sit extra oleas.

Paucos in Homero locos invenio, quos Virgilianis opponere possis. Illum e sexto Iliados amo & suspicio, ubi Andromacha, laudatissima fœmina, valedicit marito Hectori, ultimum cum Achille decertaturo. nihil mente concipi potest tam tene-
rum, ac ille supremus digressus, in quo Heroïna ista, funesti aliquid præsentiens, præter morem suum in lacrimas solvitur: nihil enim habebat muliebre: dicitque delicatissime Poëta *incepisse ipsam cum comitum suarum grege deplorare mortem Hectoris etiamnum viventis*:

*Εἰς ζῶντων γόνυ κτερεῖ.

Verum est, quoniam non nisi mor-

E 2 tuos

tuos deflemus, illā vero hominem
vivum & spirantem; nihil exprimi
posse tam tenerum, tamque feliciter
excogitatum. Talia apud Home-
rum rara sunt. Quamvis enim ejus
expressiones consistant & sustinean-
tur per se, neque unquam habeantur
neglectim; res ipsæ, quas dicit,
in longum trahuntur, & languent.
Talis est enumeratio navium Græ-
carum in secundo Iliados: omnia
eodem modo dicuntur, eodemque
fere versu terminantur: μέλαιναι νῆες
ἔποντο. Omnia in Iliade convivium
eodem instruuntur apparatu, sine
ulla varietate.

*Lib. 23.
Odyss.*

Recognitio ipsa Ulyssis & Pene-
lopes, ubi omnium optime explicari
potuissent & in usum vocari omnes
Artis deliciae, stupida est & insulsa;
admirationes frigidae & quæsitæ; af-
fectuum tenerorum parum, parum
veri amoris. Penelope nimis diu
resistit rationibus, quibus persuaderi
debe-

debebat esse hunc hominem Ulysses maritum suum, qui & ipse causam suam deserit: diffidentiam uxoris & Cautelam ninus diu mittit: ipsa vero, ne fallatur, nihil nisi per mensuram & numerum agit. Habent hæc nescio quid frigoris & languoris, cum vividus exultansque ardor requireretur in loco tam idoneo. Nonne tacito mentis instinctu præveniri debebat Penelope? non cordis atque animi testimonio credere, si oculis negabat? Perspicax enim est amor & penetrans: vocem habet tacitam, quæ melius sese explicat, quam omnes sensus. Sed eam? Homerus Philosophiam nondum intelligebat, quam tam subtiliter postea perfecerunt & docuerunt Itali. Virgilius, qui Dîdonem facit abituri Æneæ consilia & dolos præsentire, antequam præscisceret, multo luculentius tam bella occasione esset usus.

XIII.
Homerum esse
magis
moralem
& sententio-
sum Vir-
gilio.
*Lib. 5.
cap. 16.*

Inficiari autem nemo debet Homerum in Sententiis & morum doctrina priorem esse Virgilio. Illud adeo verum est, ut pro mille testibus unus nobis Macrobius sufficere possit. *Homerus, inquit, omnem poësin suam ita sententiis farsit, ut singula ejus apophthegmata vicem proverbiorum in civium ore fungantur.* & nuper Anglus quidam ingens volumen edidit sententiarum ex Homero excerptarum, quas secundum capita Philosophiæ Ethices in locos communes (ut vocant) redegit.

*In Poët.
Arist.*

Ego autem contendo cum Heinio, istas reflexiones (ut sic dicam) morales & sententias ad Theatrum & genus Dramaticum potius spectare, quam ad Epos, cujus character essentialis est narratio, quæ debet esse unita & simplex sine affectatione figurarum, & reflexionum apparatu, quæ vires suas & colorem nativum adi-

adimunt orationi: quod tantâ cum
bile sui ævi Declamatoribus objicit
ille boni saporis Criticus apud Petro-
nium: *Inanibus sonis*, inquit, *ludi-
bria quædam excitando effecistis*,
ut corpus orationis enervaretur
& caderet.

Sane vis ista, quæ solet in exiguum
verborum ambitum cogi, ut efficiat
sententiam, reliquam orationem
valde siccam valdeque jejunam re-
linquit, cum adimat ipsi ingenuam
suam simplicitatem, & affectato
invitoque ornatu conspicua esse ve-
lit. Hanc ob causam perfectior Hi-
storicus habetur Titus Livius, quam
Tacitus, minus enim digressionibus
& sententiis indulget, quæ theatro
magis sunt idoneæ, quam historicæ
narrationi. Idem sensit olim Cicero; *Ad He-
renn. lib.*
qui, *sententias*, inquit, *interponi*
raro convenit; ut rei actores, non
vivendi præceptores esse videamur.
Sunt igitur Sententiæ & reflexiones.

morales ex illo ornamentorum genere quæ Poëmati Epico parum conveniunt, quia non conveniunt narrationi, Poëmatis Epici characteri principali & essentiali. Potest nihilominus Poëta immiscere quandoque sententias, cum Actores suos loquentes inducit: ubi vero ipse loquitur, nunquam; aut certe rarissime, idque sine omni affectationis suspitione.

Hac in parte securè Titum Livium imitari quis possit, raras in corpore Historiæ sententias intextentem, easque iis reservantem, quos loquentes introducit. Sic quoque Poëtæ sententiæ quasi excidere debent, non affectari & anxie requiri, multo minus per totum opus disseminari, quod factum est ab Homero: cujus si famam inde æstimemus, erramus largiter, quia affectatio illa procul dubio vitiosa est, ideoque merito a Virgilio evitata: sciebat enim

enim nihil tam contrarium esse simplicitati, quam profitebatur, ac verba illa, imò illas ipsas cogitationes eminentes, quæ videntur divelli a reliqua oratione, & quasi extra opus esse, quia nullam bonam proportionem habent, neque usum nullum, nisi ut minus pura & limata reddant cætera rerum tumore & sententiarum vanissimo strepitu. *Pitron.*

Conferant hæc ii, qui scriptores haberi volunt, cum insigni præcepto bonæque mentis plenissimo, quod reliquit nobis subtilissimus & sagacissimus totius antiquitatis Criticus, sed parum recte a multis intellectum: *Pitron.*
Curandum ne sententiæ emineant extra corpus orationis expressæ; sed in texto vestibus colore niteant.

Videor evicisse, damnari hoc loco Cogitationes, quas expressio nimis valida nimisque picta & splendida quasi peregrinas reddit reliquo orationis corpori: neque admittere Pe-

tronium quicquam quod sit affectatum aut quæsitum, sed splendorem duntaxat adeo naturalem, ut est color in vestibus. Ex hoc genere erant, ut pergit noster, verba illa simplicia & nativa, quæ a bona mente didicerant Sophocles & Euripides, & quibus loquebantur, antequam juvenus in scholis declamare disceret, & his finibus omne exercitium ingenii circumscriberet. *Nondum*, inquit, *juvenes declamationibus continebantur, nondum umbratilis doctor ingenia dete- verat; quum Sophocles & Euripides invenerunt verba, quibus deberent loqui.* Ut verbo absolvam, omnia hæc ornamenta verborum & conceptuum tam splendida, tam quæ- sita, tam frequentia, adimunt orationi pulcritudinem naturalem & germanam dignitatem. *Gravitas minuitur exornationibus frequen- ter collocatis, quod est in his lepos*

Cicero ad
Heren.
lib. 4.

& festivitas, non dignitas neque pulcritudo. Et hoc est principium naturale in omnibus rebus præclaris ac grandibus, quarum majestas, juncta cum simplicitate decenti, facit omnem excellentiam & dignitatem: ut videre est in pictura atque architectura, ubi grandes animi conceptus multo minus se sustinent exornationum copia, quam ista unita simplicitate, sed decenti, & regulari, unde omnis dignitas est & majestas.

Inventio cum sit una ex partibus maxime essentialibus, quæ constituunt poëtam, causa quoque est, cur ab hac laude Virgilio merito anteponi debeat Homerus. Illum enim ut archetypum secutus est Virgilius. Tamen observandum est, cum Aristoteles meminerit in Poëtica Parvæ Iliadis, quam Suidas Antimacho cuidam adscribit, quæ fuerit epitome magnæ, & ex qua suum formare

XIV.
Qua ratione
Homerus felici-
or sit in inven-
tionibus quam
Virgilius.
Cap. 23.

potuerit Homerus ; inde conjici posse haud absurde , Homero totam atque integram inventionis gloriam tribui non debere.

Lib. 3. Fertur quoque apud Athenæum. Hegesianax quidam versibus comprehendisse res in obsidione Trojana gestas. Facit & Cicero mentionem cujusdam Callisthenis , qui tractaverit idem argumentum. Verum est hunc vixisse tempore Alexandri, id est aliquot post Homerum sæculis : sed verisimile quoque , habuisse diversos ab Homericis commentarios , e quibus sua hauserit , cum eandem expeditionem diverso descripserit modo.

Narrat Suidas Corinnum quendam , discipulum Palamedis , composuisse versibus Iliada , eo quo Troja capta est tempore : aliumque poetam Syagrium , coætaneum Homero , in eadem materia versatum : hæc autem omnia suppressa fuisse industria

Atria Homeri, qui non ita cæcus fuit, ut creditur, cum hoc modo sciverit se solum venditare Posteritati tanquam primum auctorem Iliados. Quoniam autem ad horum priorum exemplar sua formavit Homerus, ut Virgilius postea Homerum pro exemplari habuit; optandum foret posse nos aliqua ratione cognoscere, uter utrum felicius exprefferit, suos ne duces Homerus, an Homerum Virgilius.

Incredibile quantum decedet auctoritati Homericæ, si verum sit quod Ælianus narrat libro tertio decimo. Variæ Historiæ, nimirum obtinuisse opinionem inter eruditos sui ævi, Odyssiam & Iliada non esse compositas nisi per partes; easque ita sine ordine certoque consilio scriptas, nominatas esse ab argumento quod tractabant; uti *Strenuitatem Agamemnonis, Patrocleam, Pugnam ad naves, Navium* Cap. 14.

110 *Observationes in Poëmata*

vium catalogum, Redemptionis mercedem, Certamina in honorem Patrocli, atque ita in cæteris: *Lycurgum Lacedæmonium primum universam Homeri Poësin simul*, id est omnes has partes dispersas & diversas, *Athenas secum ex Ionia asportasse*; eas deinde *Pisistratum collectas in ordinem redegis- se*, atque inde *Iliada & Odysseam confecisse*, quas habemus hodie; inde *hæsisse*, ut ferunt, *Rhapsodiæ* nomen, quod utrique poëmati datum est postea.

Ego vero nullo modo adduci possum, ut hæc credam: quid enim esset aliud, quam furari Homero omnem suam gloriam, si quis ei ereptum ire velit œconomiam, & dispositionem; & consilium utriusque operis? Ignavia hæc esset in homine tanto, de qua mihi ne suspicari quidem libet, præsertim cum Aristotelès fidem fecerit, omnium postea sæculorum

con.

consensu stabilitam, Homerum esse verum auctorem horum Poëmatum; quamvis Josephus in primo contra Appionem libro idem Æliano sensisse videatur; & Plutarchus in vita Lycurgi, & Cicero in tertio libro de Oratore, locum dent huic suspicioni. Hæc autem opinio tam idonea foret ad destruendum omnem Homeri honorem, ut fatius sit dicere: Ælianum fuisse fabulatorem. Quantum ad tres reliquos, qui Æliani sententiam fovere videntur, cum ii non tam fortiter hæc affirmant; sequendam puto opinionem communem, & tuendam Homeri existimationem, quæ sane nimis est nota, quam ut super hoc puncto in controversiam vocari debeat.

Optandum foret, ut plenissime nobis satisfaceremus in justa comparatione duorum maximorum Hominum, institui parallelum aliquod exor-

XV.
De Ex-
ordio
Poëma-
tum Ho-
meri &
Virgilii.

112 *Observationes in Poëmata*

exordiorum Iliados & Odysseæ cum
exordio Æneidis, quæ quasi prima
sunt specimina illustrissimorum Poë-
matum. Quamvis enim, ut Cice-
ro docet, magnorum operum *prin-*
cipia verecunda esse conveniat, *non*
elatis intensa verbis; & Horatius
acerbissime invehatur in eum, qui
tanto hiatus inchoabat:

*Epist. ad
Pison.*

*Fortunam Priami cantabo &
nobile bellum;*

Curam nihilominus gerimus bene
ornateque ordiendi. Videamus ini-
tium Iliadis:

Μιῶν ἀειδε, Θεᾶ Πηληϊάδεω Ἀχιλῆϊ
Οὐλομένην, ἣ μυρὶ Λαῶν ἄλγε'
ἔθηκε·
Πολλὰς δ' ἰφθίμης ψυχᾶς αἶδι' ὤρε-
ταιψεν.
Ἥρώων.

Ite am.

Iram cane, Dea, Pelidæ Achillis

Pestiferam, quæ plurimos Achivis dolores inflixit:

Multas fortissimas animas exco demisit

Heroum.

Videtur sibi placuisse Poëta, dum iram istam exaggerat per causas suas perque effectus: nimis longe progreditur, nimisque valida utitur expressione atque animosa, ne dicam hyperbolica, quam ut convenire exordio possit;

ΑΥΤΗΣ Δ' ΕΛΩΕΙΛΑ ΤΩΧΕ ΚΥΝΕΑΣΙΝ
ΟΙΩΝΟΪΑΤΕ Πᾶσι.

*Ipsos autem prædam dilaniandam fecit canibus
Alitibusque omnibus.*

*Lanienam Heroum immanem
expli-*

explicat Didymus, unus e melioribus Homeri interpretibus. Non cogitat esse hunc Heroa suum, de quo loquitur, cujusque immoderatos animi affectus ut in majus extollat, voces quærit præter morem grandes, quibus ob oculos ponat calamitates & strages, quas intulit Achivis. In propositione, quæ simplex esse debet, poterat non ita particulatim rem omnem complecti: nihil attinebat repetere singula; satis enim multa dixerat, ubi iram istam *perniciiosam Achivis* dixerat. Affectationis aliquid habet, toties in eadem re oberrare: & delectatur quoque amplificatione eorum, quæ tacere debebat, vel certe imminuere. Longius etiam exspatiatur in isto *αὐτὰρ δ' ἰλῶερα τὸ δ' ἔχ' &c.* Quinimo imponit lectori exaggeratione sua familiari. In magno enim isto Heroum numero, quos Achillem iræ suæ immolasse refert, excepto Patroclo

troclo non temere Heroem ullum invenias. Dubito num quisquam eorum, qui perierunt, bono jure Herois titulo insigniri potuerit. Præterea nunquam ad hanc enumerationem descendendi debet in propositione, ubi & invocatio est immista. Id vero quod addit Poëta, prorsus est vitiosum, & contrario sensu intricat orationem;

Διὸς δ' ἰπλάϊετο βουλῇ.

Jovis autem perficiebatur voluntas.

Oblitus videtur habere se sermonem cum Musa sua, quæ Dea est, quæ novit omnia, quæ nihil debet oblivisci eorum, quæ novit. monet illam fuisse voluntatem Jovis, ut hæc omnia fierent. Atqui Musæ erat, instruere Homerum de occulta Deorum voluntate, deque ordine fatorum; non autem Homeri, ea docere Musam,

116 *Observationes in Poëmata*

Musam, Mnemosynes & Jovis filiam, id est Intellectus & Memoriam. Multo absurdius est adjungere hæc verba ad amplificationem ruinæ & calamitatum Græciæ, quarum causa fuit ira Achillis, cum ea ipsa ira ad vindicias sui Deos quoque ad partes traxerit, Deorumque voluntas fuerit & consilium, ut ob hanc iram periret, quantum erat in exercitu strenuorum virorum. Et profecto nihil habet, quo ulterius provehat atque extendat horribiles hujus iræ effectus, qui excidii atque internecionis Grajorum auctorem faciat Jovem, stragemque eam irreparabilem dicat fuisse voluntatem Jovis, benigni alioquin & benefici. Unde apud Romanos *Jupiter* est quasi *juvans pater*.

Haud facile quis dixerit, ubi finiatur invocatio: duos sequentes versus involvit, &, si bene
 atten-

attendas, confunditur cum narratione. Præterea, ut verum fateamur, quomodocunque explicare libuerit hæc verba, affectationem semper aliquam reperiemus; nimis festinant sententiæ morales in limine operis. quod per se non est morale, & id quidem in quarto versu. Nondum vacat lectori attendere ad has reflexiones: instrui antea debet de subjecto, præveniri atque aliquantum incallescere.

Nunc *Odyssææ* videamus initium, & examinemus si rationi aliquanto plus sit consentaneum:

Ἀνδρα μοι ἔννεπε, Μῦσα, πολύτροπον,
 ὃς μάλα πολλὰ
 Πιλάγῃ, ἐπεὶ Τροίης ἱερὸν πολίεθρον
 ἔπερσε.
 Πολλῶν δ' ἀνθρώπων ἴδεν ἄσπεα, καὶ
 νόον ἔγνω.
 Πολλὰ δ' οὔ γ' ἐν πόντῳ πάρεν ἄλγεα ὄν
 κατὰ θυμόν,
 Ἀργυμέδῃ λῶτε ψυχῇ καὶ νόσον ἐταί-
 ρων.
 Ἀλλ' ἔδ' ὥς ἐταίροις ἐρρύσατο ἱέμερός
 περ.
 Αὐτῶν γὰρ σφετέρῃσιν αἰῶθα λήϊσιν
 ἔλοντο.

*Virum consiliis abundantem dic
 mihi, Musa, qui valde multum
 Vagatus est, ex quo Trojæ sa-
 cram urbem everiit:
 Multorum autem hominum vidit
 urbes, & mores cognovit:
 Multos vero ille in mari passus est
 angores suo in animo,
 Redimere studens suamque ani-
 mam & reditum sociorum.*

Sed

*Sed ne sic quidem servavit socios,
quamvis cuperet :*

*Suis enim ipsorum flagitiis per-
ierunt.*

Ecce Heroem admirabilem , quem
character suus callidum , astutum,
& versipellem facit : quamvis inter-
pretes emolliant nonnihil illud πολύ-
τροπον ἄνδρα , ut excusent Homerum.
Ego vero non video, quomodo emol-
liari possit ; cum in toto contextu
operis nulla alia virtute insignis sit
Ulysses , præterquam calliditate &
versutia , eaque non semper sine
fraudibus & mendaciis , quod parum
est Heroicum ; & Minerva ipsa ,
quamvis Ulysssem impensissime fo-
veat , non possit sibi temperare , quin
id nonnunquam objiciat ei atque ex-
probret.

Si quis contendat hanc callidita-
tem nihil esse aliud, nisi dexteritatem
vividi ingenii ; cur non etiam ad
socio-

sociorum fuorum salutem ea est
usus? cur ad sui duntaxat conser-
vationem omnes animi nervos in-
tendit? Sed *perierunt illi suis ipso-
rum flagitiis*. Heros noster tam
fapiens, tam consummatæ pruden-
tiæ, nonne debebat incumbere, ut
tantam a suis calamitatem aver-
teret? Causa ipsa, cur perierint, ridi-
cula est & fabulosa :

Οἱ κατὰ βῆς ὑπερίονος ἡελίοιο
Ἡδίων· αὐτὰρ ὃ πῖσιν ἀφείλετο νόστιμον
ἥμαρ.

*Qui boves Hyperionidæ Solis
Comederunt : ast ille his abstulit
reditus diem.*

Longe quæsitæ est pereundi causa;
& aut Heroi aut Poëtæ non libuit
servare miseros socios. Quod si
Ulyssis providentia minor fuerit,
quam ut consulere potuerit incolu-
mitati

mitati suorum : nonne hoc dissimulanter transire debuit Poëta ? qua tandem ratione cogitur ab hoc articulo inchoare , tantamque Herois sui imbecillitatem in fronte Poëmatis & in loco omnium illustrissimo omnibus palam facere ; Musamque suam precari , *ut dicat insignem illum Heroa , qui sibi soli redditum procuraverit , reliquos autem commilitones omnes perire siverit ?* Potestne quicquam excogitari tam parum Heroicum , tam ignavum , tamque plebejum ? ex hujus nævi animadversione insignem suo Heroi virtutem excudit Torquatus Tassus in propositione Poëmatis , de quo dicit ,

*E sotto à i santi
Segni ridusse i suoi compagni
erranti.*

Simplicius est *Æneïdos* initium magis
F gisque

Et sub
sanctis
signis re-
duxit er-
rantes
suos com-
milito-
nes.

gisque naturale ; propositio ipsa nihil habet implexum aut intricatum. Videamus :

*Arma virumque cano, Trojæ qui
primus ab oris
Italiam fato profugus Lavina-
que venit
Litora. multum ille & terris
jactatus & alto
Vi Superùm , sævæ memorem
Junonis ob iram.*

Oportet esse hominem magnæ virtutis , atque existimationis , qui inimicam habeat Deorum Reginam. pergit :

*Multa quoque & bello passus,
dum conderet urbem,
Inferretque Deos Latio, genus
unde Latinum,
Albanique patres, atque altæ
mœnia Romæ.*

Ex

Ex hoc comparationis specimine, quod dedi, potest sibi quisvis comparare inter se quæ restant.

Eruditis decidendum relinquo XVI.
Conclu-
sio Dif-
fertatio-
nis. quid statuendum sit de admirabili hoc Poëtarum pari, - si modo ad examen revocare velint veritatem & æquitatem harum observatio- num, & expendere Grammatico- rum (quos Criticorum plebem non inepte quis dixerit) judicia; qui cum magnificentiam elocutionis Homericæ, versuumque pompam, ad quam Virgilius accedere non potuit, admirarentur unice, & ad hanc lucem caligarent, neque pos- sent intimas horum operum virtutes perspicere, omnes pæne, quotquot fuere, ab Homeri partibus steterunt. Judicaverunt autem omnes ut captus est Grammaticorum, neque ad animum revocarunt ea, quæ jam dixi.

Ipse Plutarchus, in libro de Ho-

mero, valde prolixus est in laudanda vasta ejus eruditione, atque universali omnium scientiarum cognitione: satisque adeo copiose demonstrat, quam grandi fuerit genio, in idea, quam exhibet characteris Homerici, præteriens tamen id, quod est Poëmati essentiale. Omnes itaque eruditi, quos dictio Homeri & exteriora illa morantur, non sunt idonei iudices. Ut recte atque ordine aliquid statuatur de præclaris hisce operibus, penetrare atque perspicere oportet virtutes essentielles; dimetiri (ut sic loquar) omnes proportionibus; examinare, utrum pulcra quæque suo sint loco posita; utrum moderamen illud inter admirabilia & verisimilia cum iudicio adhibitum; processeritne audacia, quam Poësis admittit, nimis longe, tumida ve sit atque ampullata; utrum decorum in moribus & sententiis exacte & religiose sit observatum;

tum ; utrum expressiones affectus suos tenerasque animi passiones inspirent lectori ; utrum omnia ordinem suum tueantur , possintque characterem suum sustinere ; utrum bona mens ubique eluceat , habeantque sese res omnes eo , quo par est , modo : nam , ut prudentissime monet Quintilianus , *nihil potest placere , quod non decet*. Denique arbitrandum est de illustrissimis Poëmatibus , tanquam de magnifico & regali aliquo palatio , cujus prima ac præcipua pulcritudo habetur , totius operis proportio ad partes singulas , singularumque inter se partium convenientia : hæc sunt , quæ considerantur a peritis , non ornatus exterior , qui solos delectat ignorantes.

Extat inter veterum Poëtarum Catalecta fragmentum Epigrammatis Auctoris incerti , quod præ-
lucere nobis poterit ad pronuncian-

128 *Observat. in Poëmata, &c.*

lio , quo testatum faciat , omnes illi
debere assurgere , ipsum etiam Ho-
merum :

Lib. 2.

El. 23.

*Cedite Romani scriptores , ce-
dite Graji :*

*Nescio quid majus nascitur
Iliade.*

F I N I S.







